

Igaragaza Ry'

## Ibihe Birindwi By'itorero

Igice Cya Mbere

Ibyahishuwe Na Yesu Kristo

**Ibyahishuwe 1:1-20**

Ibyahishuwe na Yesu Kristo, ibyo Imana yamuhereye kugira ngo yereke imbata ze ibikwiriye kuzabaho vuba, agatuma marayika we, na we akabimenesha imbata ye Yohana,

Uhamya ibyo yabonye byose, ari Ijambo ry'Imana no guhamya kwa Yesu Kristo.

Hahirwa usoma amagambo y'ubu buhanuzi, hahirwa n'abayumva, baki tondera ibyanditswe muri bwo: kuko igihe kiri bugufi.

Ngewe, Yohana, ndabandikiye, mwebwe abo mu matorero arindwi yo muri Aziya. Ubuntu bube muri mwe n'amahoro biva ku Mana iriho, kandi yahozeho, kandi izahoraho, biva no ku Myuka irindwi iri imbere y'intebe Yayo.

No kuri Yesu Kristo, ni we mugabo wo guhamya ukiranuka, n'imfura yo kuzuka, utwara abami bo mu isi, udukunda, kandi watwejeshejeho ibyaha byacu amaraso Ye.

Akaduhindura abami n'abatambyi b'Imana Ye, ni Yo na Se: icyubahiro n'ubutware bibe ibye, iteka ryose, Amina.

"Dore, arazana n'ibicu, kandi amaso yose azamureba, ndetse n'abamucumise na bo bazamureba: kandi amoko yose yo mu isi azamuborogera. Na none, Amina.

Ndi Alufa na Omega, itangiriro n'iherezo, ni ko Umwami Imana Ivuga, Iriho, kandi Yahozeho kandi Izahoraho, ni Yo Ishobora byose."

Ngewe Yohana, mwene So, musangiye amakuba n'ubwami no kwihangana biri muri Yesu, nari ku kirwa kitwa Patimo, bampora Ijambo ry'Imana no guhamya kwa Yesu.

Ku munsi w'Umwami wacu nari ndi mu Mwuka, inyuma yange numva ijwi rirenga nk'iry'impanda,

Rivuga riti " Icyo ubona, ucyandike mu gitabo, ucyohrerereze amatorero arindwi ari muri Efeso, n'i Simuruna, n'i Perugamo, n'i Tuwatira, n'i Sarudi, n'i Filaderifiya n'i Lawodikiya."

Nuko mpindukizwa no kureba ijwi ryavuganaga nange, mpindukiye mbona ibitereko by'amatabaza birindwi by'izahabu,

Kandi hagati y'ibyo bitereko by'amatabaza mbona usa n'Umwana w'umuntu, yambaye igishura kandi yambaye umushumi w'izahabu mu gituza.

Umutwe We n'umusatsi We byeraga nk'ubwoya bw'intama bwera, cyangwa nka sheregi; n'amaso Ye yasaga n'ibirimi by'umuriro;

Ibirenge Bye bisa n'umuringa w'umuteke, utunganijwe n'umuriro wo mu ruganda; n'ijwi Rye ryari rimeze nk'iry'amazi menshi asuma.

Mu kuboko Kwe kw'iburyo yari afashe inyenyeri ndwi; mu kanwa Ke havamo inkota ityaye ifite ubugi impande zombi. Mu maso He hari hameze nk'izuba, iyo rityaye.

Mubonye ntyo mwikubita imbere nk'upfuye, Anshyiraho ukuboko kw'iburyo Arambwira, ati "Witinya. Ndi uwa mbere kandi Ndi uw'imperuka,

Kandi Ndi Uhoraho. Icyakora Nari Narapfuye ariko none dore Mporaho iteka ryose, kandi Mfite imfunguzo z'urupfu n'iz'ikuzimu.

Nuko wandike ibyo ubonye n'ibiraho, n'ibiraho bukurikireho;

Hanyuma n'ubwiru bw'inyenyeri ndwi, izo umbonanye mu kuboko Kwange kw'iburyo, n'iby'ibitereko by'amatabaza birindwi by'izahabu. Dore izo nyenyeri ndwi ni zo bamalayika b'ayo matorero arindwi, naho ibitereko by'amatabaza birindwi ni byo matorero arindwi."

**IJAMBO RY'IBANZE KU GICE CYA MBERE**

Ibyahishuwe 1:1-3:

*Ibyahishuwe na Yesu Kristo, ibyo Imana yamuhereye kugira ngo yereke imbata ze*

*ibikwiriye kuzabaho vuba, agatuma marayika we na we akamenyesha imbata ye Yohana uhamya ibyo yabonye byose, ari Ijambo ry'Imana no guhamya kwa Yesu Kristo.*

*Hahirwa usoma amagambo y'ubu buhanuzi, hahirwa n'abayumva baki tonderera ibyanditswe muri bwo, kuko igihe kiri bugufi.*

Uwanditse (utari umuhanzi) w'iki gitabo ni intumwa Yohana. Abanyamateka baturiza ku kuvuga ko yasaziye Efeso, nubwo mu gihe cyo kwandikwa kw'iki gitabo, yari ari ku kirwa k'i Patimo. Iki gitabo ntikivuga ku buzima bwa Yohana, ahubwo ni ik'Ibyahishuwe na Yesu Kristo mu bihe byajyaga kuzaza byitorero. Ku murongo wa 3, byitwa ubuhanuzi, kandi rwose ni cyo biri cyo.

Bakunze kwita iki gitabo nk'aho ari Ibyahishuwe na Yohana, ibyo si byo. Ni Ibyahishuwe na Yesu Kristo byahawe Yohana bigenewe Abakristo b'ibihe byose. Ni cyo gitabo cyonyine rukumbi mu bitabo bya Bibiliya cyanditswe na Yesu Kristo Ubwe, binyuze mu kuboneka Kwe Abonekeye uwanditse.

Ni cyo gitabo cya nyuma cya Bibiliya, nyamara kivuga itangiriro n'iherezo ry'ibihe by'ubutumwa bwiza.

Nyamara, ijambo ry'ikigiriki risobanura "**Ibyahishuwe**," ni apocalypse, bisobanura "guhishura ibihishwe." Uko guhishura kugereranywa neza neza n'urugero rw'umunyabugenii ushyira ahagaragara igikorwa cy'ubugeni yakoze, akakimurikira abantu. Ni igikorwa gituma icyari gihishwe mbere gihishurwa kigashyirwa ahagaragara, kigahishurwa. Kandi uko guhishurwa si ughishurwa gusa k'Uwo Yesu Kristo ari we, ahubwo ni UGUHISHURWA KW'IMIRIMO YARI AGIYE GUKORA MU GIHE K'IBIHE (ibisekuru) BIRINDWI BY'ITORERO BYARI BIGIYE GUKURIKIRAHO.

Ntituzigera na rimwe dutinda cyane ku kamaro k'uguhishurwa n'Umwuka ku mwizera nyakuri. Uguhishurwa kuri mwe ni ikintu gifite umumaro w'ingenzi, birashoboka ko byaba birenze uko mubitekereza. Aho simvuga ku by'icyo Gitabo k'Ibyahishuwe no kuri mwe; ndavuga uguhishurwa KOSE. Ni ikintu cy'agaciro gahebuje ku Itorero. Muribuka muri Matayo 16, aho Yesu yabajije abigishwa be ati:

"Mbese abantu bagira ngo umwana w'umuntu NDI nde?" baramusubiza bat: "bamwe bagira ngo uri Yohana Umubatiza, abandi ngo uri Eliya, abandi ngo uri Yeremiya, cyangwa ngo uri umwe mu bahanuzi." Arababaza ati: "ariko mwebweho ubwanyu mugira ngo NDI inde?" Simoni Petero aramusubiza ati: "Uri Kristo, Umwana w'Imana Ihoraho." Yesu aramusubiza ati: "Urahirwa, Simoni wa Yona, kuko umubiri n'amaraso atari byo byabighishuriye, ahubwo ni Data wo mu Ijuru. Nange ndakubwira nti 'Uri Petero, kandi nzubaka Itorero ryange kuri urwo rutare, kandi amareombo y'ikuzimu ntazarishobora."

Abagatorika b'i Roma bavuga ko itorero ryubatse kuri Petero, ariko mu by'ukuri ni imyumvire ya kinyamubiri. Ni gute Imana yabasha kubaka itorero Ryayo ku muntu uhindagurika kugeza ubwo yihakana Umwami Yesu arahira? Imana ntishobora kubaka itorero Ryayo ku muntu n'umwe wavukiye mu cyaha. Ntiyavugaga urutare rwari ruri aho, nk'aho Imana yari yejeje ubutaka bw'aho hantu. Kandi nta nubwo ari, nk'uko Abaporotesitanti babivuga, ko itorero ryubatse kuri Yesu. Byari UGUHISHURIRWA. Mubisome nk'uko byanditswe: "Ntabwo ari inyama n'amaraso BYAGUHISHURIYE ibyo, AHUBWO NI DATA WABIHISHUYE, kandi KURI URWO RUTARE (UGUHISHURIRWA) NZAHUBAKA ITORERO RYANGE": Itorero ryubatse ku Guhishurwa, kuri "NI KO UMWAMI AVUZE".

Ni gute Abeli yamenye icyo yagombaga gukora kugira ngo atambe igitambo cyari gikwiriye guhabwa Imana? Ku bwo kwizera yahawe uguhishurwa amaraso. Kayini ntiyagize uguhishurwa nk'uko (nyamara, yari yahawe itegeko), icyo gihe, ntiyashoboraga gutamba igitambo gikwiriye. Ni uguhishurwa guturuka ku Mana kwatumye habaho itandukaniro kandi byahaye Abeli Ubugingo buhoraho. Muzemera rwose ibyo umushumba avuga, cyangwa ibyo seminari yigisha, ariko, ubuhanga bwo kuvuga mwagira bw'ibyo mwabasha kwigishwa nta mumaro byagira, ige cyose Imana izaba itarabahishurira ko Yesu ari Kristo, ko Amaraso ari yo abeza, kandi ko Imana ari Umukiza wanyu, ntimuzigera na rimwe mubona Ubugingo Buhoraho. Ni uguhishurwa ko mu buryo bw'Umwuka kubikora.

Nyamara, navuze ko Igitabo k'Ibyahishuwe ari ibyahishuwe na Yesu n'icyo Akora mu matorero y'ibyo bihe (ibisekuru) birindwi.

Ni Ibyahishuwe, kuko abigishwa ubwabo ntibari bazi ukuri guhishwemo. Ibyo ntibari babihishuriwe mbere. Muribuka ko, mu Gitabo k'Ibyakozwe, bagiye kubaza Yesu bat: "Mbese ubu ni cyo gihe Ugiye kugarura ubwami bwa Isirayeli?" Arabasubiza ati: "Si ibyanyu kumenya iminsi cyangwa ibihe." Bariya bantu bari bagifite mu mitwe ubwami bwa Yesu bwo mu isi. Ariko ubwami yari agiye kubaka bwari ubwami bwo mu buryo bw'umwuka. Ndetse nta nubwo yashoboraga kubabwira umwanya Yajyaga kugira muri ubwo bwami uwo ari wo, kuko Se Atari yabimuhishuriye. Ariko hano, nyuma y'urupfu Rwe no kuzuka Kwe muri icyo gice nyirizina cy'umurimo we w'ubuhuza, Abasha gushyira ahagaragara muri ibi Byahishuwe na We ubwe, ibyo aha Yohana uko Ukuboneka Kwe n'Ikuza Rye bizaba bimeze mu Itororero, n'icyo bizakora.

Muri ibyo Byahishuwe, Atumenyesha iherezo rya Satani. Asobanura uburyo azakuraho Satani kandi akazamujugunya mu nyanja yaka umuriro. Ahishura iherezo ry'abagome bayobotse Satani. Kandi Satani ibyo arabitinya.

Mwigeze mubona uburyo Satani yanga ibitabo bibiri bya Bibiliya kurusha ibindi byose? Binyuze mu bahanga mu by'iyobokamana bigenga n'izindi ngirwa bahanga, ntibawhema kwibasira igitabo k'Itangiriro n'igitabo k'Ibyahishuwe. Muri ibyo bitabo byombi, tubonamo inkomoko ya Satani, inzira ze zizira no kurimbuka kwe. Ngiyo impamu abirwanya. Atinya gushyirwa ahagaragara, kandi muri ibyo bitabo byombi, arahishurwa neza neza uko ari.

Yesu yavuze ku bya Satani ati: "Nta cyo mugomba kandi na we ntacyo angomba." Satani yakwifusa kubihinyuza, ariko, kubera ko atabishobora, yihatira ku buryo bwose gukuraho ikizere cyacu dufitiye Ijambo. Ariko iyo Itorero ryanze kwizera Satani rikizera uguhishurirwa guturuka mu Ijambo, gutanzwe n'Umwuka, icyo gihe amarembo y'ikuzimu ntiyashobora kugira icyo aritwara.

Niba mutabibonamo ikintu kibi, ngiye gufata hano urugero nkuye mu murimo wange bwite. Muji mwese ko iyi mpano yigaragaza mu mibereho yange ari impano idasanzwe. Ni impano ku bwayo Umwuka Wera ashobora kurondora indwara, ibitekerezo byo mu mitima n'ibindi bintu bihishwe ibyo Imana yonyine Ishobora kumenya, kandi Irabimpishurira. Nifuzaga ko mwabasha kuba mundi iruhande maze mukareba ukuntu mu maso h'abantu hihinduriza igihe Satani azi ko agiye gutahurwa. Simvuga hano abantu ubwabo, ahubwo ni Satani, ubatwaje igitugu binyuze mu cyaha, kutagira icyo bitayeho n'indwara. Iyaba mwashoboraga kubona mu maso habo! Satani aba azi ko agiye gushyirwa ku mugaragaro, kandi ishusho y'abantu ihinduka ku buryo butunguranye. Satani agira ubwoba; aba azi ko imirimo ye igiye guhishurirwa abantu ku bw'Umwuka w'Imana. Ngiyo impamu yanga bikabije amateraniro yacu. Ko amazina avugwa n'indwara zigahishurwa, Satani ibyo arbitinya. Ibyo se ni ibiki? Nta bwo ari ugusoma ibitekerezo, cyangwa ubuhanga mu gukurura ibitekerezo, nta nubwo ari ubukonikoni. Ni UGUHISHURIRWA ku bw'Umwuka Wera. Ni bwo buryo bumwe rukumbi nshobora kumeya ibyo bintu. Birumvikana, imitekerereze ya kimuntu izita ibyo icyo ari cyo cyose usibye Umwuka Wera.

Ngiye kubereka indi mpamu ituma Satani yanga icyo Gitabo k'Ibyahishuwe na Yesu Kristo mu Itorero. Azi yuko Yesu Kristo uko Yari ari ejo, ari ko Ari uyu munsi kandi ko ariko Azahora iteka ryose, kandi ko Adahinduka. Ibyo abizi neza kurusha uko mirongo ikenda kw'ijana by'abahanga mu by'iyobokamana babizi. Azi ko, kubera ko Imana idahinduka muri kamere Yayo, ari na koIdahinduka mu nzira Zayo. Satani azi rero adashidikanya ko Itorero ry'umwimerere ryo kuri Pantekote, ryari rifite imbaraga z'Imana (Mariko 16 mu bikorwa), ni ryo Torero Nyakuri Yesu avuga ko ari irye. Ayandi yose ni ay'ikinyoma, nta kabuza.

Noneho nimwibuke ibi: Kristo mu Itorero ry'ukuri ni ugukomeza kw'Igitabo k'Ibyakozwe. Nyamara Igitabo k'Ibyahishuwe kitwereka ko umwuka wa antikristo Wari ugiye kuzinjira mu Itorero kugira ngo uryanduze, urihindure akazuyazi, ryo ku ishusho gusa kandi nta mbaraga rifite. Gishyira ku mugaragaro Satani ahishura imirimo ye (kugerageza kurimbura ubwoko bw'Imana no gutesha agaciro Ijambo ry'Imana), kugeza igihe azajugunyirwa mu Nyanja yaka umuriro. Satani arwanya ibyo. Ibyo bimutera ubwoba. Azi ko niba abantu bahawe UGUHISHURIRWA NYAKURI KW'ITORERO RY'UKURI n'icyo riri cyo, icyo rihagarariye, n'uko RISHOBORA GUKORA IMIRIMO IKOMEYE KURUSHAHO, icyo gihe rizaba ribaye ingabo zidatsindwa. Nibahabwa uguhishurirwa nyakuri kw'imyuka ibiri ikorera mu ishusho y'imiterere y'itorero rya gikristo, kandi ko, ku bw'Umwuka w'Imana, batahura umwuka wa antikristo kandi bakawurwanya, Satani nta mbaraga azagira imbere y'iri Torero. Ugukorwa n'isoni kwe uyu munsi ntikuzagira ikigukuraho nk'uko kwamubayeho mu butayu, igihe Kristo Yatsinze ibyo yagerageje gukora byose kugira ngo amushyire munsi y'ububasha bwe.

Ni byo, Satani arwanya uguhishurirwa. Ariko twe turagukunda, Niba uguhishurirwa nyakuri gutuye mu bugingo bwacu, amarembo y'ikuzimu ntazadushobora, ariko twebwe, tuzayahindura.

Murabyibuka, navuze mu ntangiriro y'ubu butumwa ko iki Gitabo twiga mu by'ukuri ari Ibyahishuwe na Yesu We ubwe mu Itorero n'umurimo We mu bihe (ibisekuru) bizaza. Hanyuma nagaragaje ko Umwuka Wera agomba kuduha uguhishurirwa, tutamufite ntitubasha kucyumpa. Ibyo bitekerezo byombi bishyizwe hamwe, mushobora kubona ko ukwiga gusanzwe no gutekereza gusanzwe bitazaba bihagije kugira ngo bigire iki gitabo ukuri kudashidikanywaho. Ku bw'ibyo bizasaba umurimo w'umwuka wera. Ibi ni ukuvuga ko iki gitabo kibasha guhishurirwa gusa ingeri y'abantu yihariye. Ibyo bizasaba umuntu ufite ubushobozi bwo kurobanura ko mu buryo bw'ubuhanuzi. Bizasaba ubushobozi bwo kumva Imana ivuga. Ibyo bizasaba ko habaho inyigisho ndengakamere, atari ukwiga gusa ugereranya umurongo n'undi, nubwo ibyo ari ikintu kiza. Ariko ubwiru busaba inyigisho ikomoka k'Umwuka, Umwuka Adahari ntibizigera na rimwe bisobanuka neza. Mbega ukuntu dukeneye kumva Imana ivuga, no kwikingura twiyegurira Umwuka, kugira ngo twumve kandi tumenye.

Nk'uko maze kubivuga, iki gitabo (Ibyahishuwe) ni ugusohozwa kwa nyuma kw'Ibyanditswe. Ndetsse no mu Bitabo bya Bibiliya byemejwe ko byahumetswe, kiri kw'iherezo, neza neza aho kigomba kuba kiri. Musobanukiwe noneho impamu bivugwa ko umuntu wese ugisomye cyangwa se uwumva ibikivugwamo ahabwa umugisha: ni uguhishurirwa guturuka ku Mana kubaha ubutware kuri Satani. Kandi musobanukiwe impamu abacyongeraho cyangwa bakagabanyaho ikintu runaka bajyaga kuvumwa. Byakagombye kuba bityo, mbese ni nde wagira icyo yongera cyangwa agabanya ku guhishurwa gutunganye kw'Imana maze

akanesha umwanzi? Bivoroshye. Nta na kimwe kiriho gifite izo mbaraga zinesha nko guhishurirwa Ijambo. Murabona: ku murongo wa 3, umugisha wahawe abitondera by'umwihariko iki Gitabo. Ndatekereza ko hano hari icyo twashingiraho ku kamenyero abatambyi b'Isezerano rya Kera bari bafite ko gusomera Ijambo imbere y'iteraniro, mu gitondo. Murabona, kubera ko abantu benshi batari bazi gusoma, umutambyi yagombaga kubasomera. Igihe cyose iyo ryabaga ari Ijambo, umugisha wabaga uri aho. Uko biri kose iyo ryabaga ryasomwe cyangwa ryumviswe.

*"Igihe kiri bugufi."* Mbere, igihe nticyari kiri bugufi. Mu bwenge n'umugambi w'Imana, uku guhishurirwa gukomeye (nubwo rwose kwari kuzwi n'Imana uko kwakabaye) ntikwari kwarabashije gutangwa kugeza icyo gihe. Na none duhita dutahura ihame rigira, riti: "Uguhishurirwa guturutse ku Mana kwa buri gisekuru kubasha gusa kuboneka muri icyo gisekuru, kandi mu gihe runaka cyagenwe. Dufate amateka ya Isirayeli. Uguhishurirwa kwaturutse ku Mana kwahawwe Mose kwabonetse gusa mu gihe runaka cyagenwe cy'amateka, kandi ndetse neza neza igihe abantu batakambiraga Imana. Yesu We ubwe, Wari uguhishurwa kuzuye k'Ubumana, rwose yaje igihe ibihe byari bisohoye. Kandi muri iki gisekuru (cya Lawodikiya), uguhishurirwa guturutse ku Mana kuzaza mu gihe cyagenwe. Ntikuzazuyaza, na none ntikuzaza igihe kitaragera. Mutekereze kuri ibyo kandi rwose mubizirikane, kuko uyu munsi turi mu gihe k'imperuka.

## INDAMUTSO

Ibyahishuwe 1.4-6 :

*"Ngewe Yohana, ndabandikiye mwebwe abo mu matorero arindwi yo muri Aziya. Ubuntu bube muri mwe n'amahoro biva ku Mana iriho kandi yahozeho kandi izahoraho, biva no ku Myuka irindwi iri imbere y'intebe Yayo; No kuri Yesu Kristo, ni We mugabo wo guhamya ukiranuka n'ifura yo kuzuka, utwara abami bo mu isi, Udukunda kandi watwejeshejeho ibyaha byacu amaraso Ye, Akaduhindura abami n'abatambyi b'Imana Ye ari Yo na Se, icyubahiro n'ubutware bibe ibye iteka ryose, Amina."*

Iryo jambo "**Aziya**" mu by'ukuri risobanura Aziya Ntoya. Ni intara ntoya, ubuso bwayo bwenda kungana n'ubwa leta ya Indiyana. Ayo Matorero arindwi yatoraniwe mu yandi matorero yose ku bw'ibiyaranga, byajyaga kuzongera kuboneka mu bihe (ibisekuru) bizakurikiraho, ibinyejana nyuma y'aho.

Imyuka irindwi iri imbere y'intebe y'ubwami ni Umwuka wari uri muri buri wese wo muri izo ntumwa ndwi, wabahaga umurimo wabo ku bw'igiseguru buri wese muri bo yabaga arimo.

Nyamara, izo mvugo zose: "Uriho", "Wahozezo", "Uje", "Umuhamya Ukiranuka", "Ifura yo kuzuka mu bapfuye", "Umutware utwara abami bo mu isi", "Alufa na Omega" n'Ushobora byose", ni amazina y'ibigi n'ibantu bigaragaza UMUNTU UMWE RUKUMBI, ari we Umwami Yesu Kristo, watwejejeho ibyaha byacu mu Maraso Ye bwite.

Umwuka w'Imana muri Yohana akoresha izo nyito kugira ngo agaragaze Ubumana bw'Ikirenga bwa Yesu Kristo no kugira ngo ahishure Ubumana, ko Imana ari IMWE RUKUMBI. Uyu munsi, hariho ikosa rikomeye, ryo kwizera ko hariho Imana eshatu, aho kuba imwe. Uko guhishurirwa, nk'uko Yesu Ubwe yaguhaye Yohana, gukosora iryo kosa. Nta bwo ari uko hariho Imana eshatu, ahubwo Imana imwe rukumbi ifite imirimmo itatu. Hariho Imana IMWE RUKUMBI, ifite amazina y'imirimmo atatu: Data, Umwana n'Umwuka Wera. Nguko uguhishurirwa gukomeye itorero rya mbere ryari rifite, kandi kugomba kongera kuboneka, muri iyi minsi ya nyuma, hamwe n'amagambo avugwa atunganye ku bw'umubatizo w'amazi.

Abahanga mu by'iyobokamana b'iki gihe ntibavuga rumwe nange, kuko dore ibyo ikinyamakuru cya gikristo cyanditse, kiti: "Iyo nyigisho (iy'Ubutatu) ni ingingo shingiro y'Isezerano rya Kera ku buryo budasubirwaho. Na none ni na yo y'ishingiro ry'Isezerano Rishya. Cyo kimwe no mu Isezerano rya Kera, Isezerano Rishya rihabanye n'igitekerezo cy'uko haba hariho Imana zirenze Imwe. Nyamara Isezerano Rishya ritwigisha na none ku buryo bweruye ko Data ari Imana, ko Umwana ari Imana kandi ko Umwuka Wera ari Imana, kandi ko ibyo atari imiterere itatu y'umuperisona umwe, ahubwo abaperisona batatu, bafitanye isano hagati yabo umuperisona n'undi. Aho ni ho hari inyigisho bita ihebuje y'abaperisona batatu mu Mana imwe."

Baravuga na none, bat: "Imana, dushingiye kuri Bibiliya, si umuperisona umwe gusa, ahubwo ni abaperisona batatu mu Mana imwe. Aho ni ho hari uwiru bukomeye bw'ubutatu. »

Ubwiru, bityo! Bishoboka bite ko abaperisona (abantu) batatu babasha kuba Imana imwe? Gusa atari uko nta gice na kimwe cya Bibiliya kibishyigikiye gihari, ahubwo ibyo byerekana ndetse ikintu kibuze mu mitekerereze. Abaperisona (abantu) batatu batandukanye, nubwo baba bateye kimwe mu bibagize, ni Imana eshatu, cyangwa imvugo yataye ubusobanuro bwayo bwose.

Na none nimwumve aya magambo, Ati: "Ndi Alufa na Omega, Itangiriro n'Iherezo, ni ko Umwami Imana ivuga, Uriho, Uwahozezo kandi Uje, Ushobora byose." Bivuga neza ubumana. Nta bwo ari umuhanuzi usanzwe, umuntu. Ni Imana. Kandi nta bwo ari uguhishurwa kw'Imana eshatu, ahubwo ni

ukw'Imana IMWE RUKUMBI, Ishobora Byose.

Itorero rigitangira, ntibizeraga Imana eshatu. Ntiwasanga imyizerere n'imwe nk'iyo mu ntumwa. Ni nyuma y'igihe k'intumwa iyo nyigisho yinjiyemo, kandi ni mu nama y'i Nikeya yahindutse ingingo igibwaho impaka n'in'yigisho y'ingenzi. Inyigisho y'Ubumana yateje amacakubiri i Nikeya. Kandi ayo macakubiri yashoje habayeho impande ebyiri zidacana uwaka: uruhande rumwe rw'abizera Imana nyinshi; abizeraga Imana eshatu, naho ku rundi abizera Imana imwe. Ni byo rwose, ibyo ntibyahise bibaho, ariko aho ni ho byageze, kandi ni byo dufite ubu. Ariko uguhishurirwa Umwuka yahaye Amatorero, abinyujije kuri Yohana, kwagiraga, kuti: "Ndi Umwami Yesu Kristo, kandi ndi UMWUZURO. Nta yindi Mana ibaho." Kandi afatanyisha ikimenyetso ke uko guhishurirwa.

Nimutekereze kuri ibi : ni nde Se wa Yesu ? Matayo 1 :18, haravuga hati:

*« Mariya... babona afite inda y'Umwuka Wera. »*

Ariko Yesu ubwe yahamyaga ko Imana ari yo yari Se. Imana Data n'Imana Mwuka Wera ni amagambo dukoresha kenshi, kandi tubona hano ko Data n'Umwuka ari UMWE. Ni ko bari koko bitabaye ibyo Yesu yaba yari afite ba Se babiri. Igihe cyose, mumenye ko Yesu yavuze ko We na Se ari Umwe – nta bwo ari babiri : Ibyo bigira Imana IMWE RUKUMBI.

Kubera ko amateka n'ibyanditswe bitubwira ko ibi ari iby'ukuri, uzibaza aho igitekerezo cyakomotse cy'uko haba hariho eshatu. Ibyo byabaye inyigisho shingiro mu nama y'i Nikeya yo muri 335 nyuma ya Yesu Kristo. Ubwo butatu (ijambo utabona ahantu na hamwe mu Byanditswe) bwakomotse ku kwizera Imana nyinshi kw'i Roma. Abaroma bari bafite imana nyinshi, basengaga. Na none basengaga abakurambere, abo bafataga nk'abahuza. Rwose bahaye gusa izo mana za kera amazina mashya, kandi ku bw'ibyo bafite abatagatifu, kugira ngo base n'abegereye kurushaho Bibiliya. Ku bw'ibyo, mu kimbo cya Jupiter, Venus, Mars n'izindi, dufite Pawulo, Petero, Fatima, Christophe, ndetse n'abandi. Kubera ko imyizerere ya bo ya gipagani itabashaga guhura n'iy'Imana imwe, bayigabanijemo gatatu, kandi bahinduye abatagatifu ababingingira, nk'uko bari barabigize mbere ku bakurambere babo.

Guhera icyo gihe, abantu ntibongeye kubona ko hariho Imana imwe rukumbi, ifite imirimo itatu cyangwa ukwigaragaza. Bazi ko dushingiye ku Byanditswe, hariho gusa Imana imwe rukumbi, ariko bageragezaga guha agaciyo inyigisho idafite ishingiro ivuga ko Imana yaba imeze nk'iseri ry'umuzabibu : Abaperisona (abantu) batatu bafite ubumana bumwe, bugabanijwe ku buryo bungana buri umwe. Ariko aha, mu Yahishuwe, havugwa ku buryo bweruye ko Yesu ari : "Uriho", "Uwahozeho", na "Uje." Ni Alufa na Omega", bisobanura ko We "Ahera kuri A Akageza kuri Z", ni ukuvuga UMWUZURO. Ni We byose –Ushobora Byose. Ni We Rurabo rwa Roza rw'i Sharoni, Umwangange wo mu Kibaya, Inyenyeri Yaka yo mu ruturuturu, Ishami rikiranuka, Data, Umwana n'Umwuka Wera. Ni We Mana, Imana ishobora byose. IMANA IMWE RUKUMBI.

1 Timoteyo 3.16 haravuga hati:

*"Si ugushidikanya ubwiru bw'ubumana burakomeye cyane: Imana kwerekana ifite umubiri, ikagaragara ko ari umukiranutsi mu mwuka, ikabonwa n'abamarayika, ikamamazwa mu banyamahanga, ikizererwa mu isi, ikazamurwa igahabwa ubwiza."*

Ngicyo icyo Bibiliya ivuga. Aha, nta cyo ivuga ku muntu wa mbere, ku wa kabiri cyangwa kuwa gatatu. Ivuga ko Imana yerekanywe ifite umubiri. Imana imwe rukumbi. Kandi iyo Mana imwe rukumbi yerekanywe ifite umubiri. Ikibazo cyakagombye rero gukemuka. Imana yaje mu ishusho y'umuntu. Ariko ibyo ntibiyigira INDI MANA. YARI IMANA, IYO MANA IMWE IDAHINDUKA. Byari uguhishurirwa kw'icyo gihe, kandi na n'ubu ni uko guhishurirwa. Imana imwe rukumbi.

Twongere dufate Bibiliya kugira ngo turebe icyo Yari cyo mu ntangiriro, dushingiye ku guhishurirwa Yatanze Ubwayo. Yehova ukomeye yigaragarizaga Isirayeli mu Nkingi y'Umuriro. Marayika w'isezerano, yabaga ari muri iyo Nkingi y'Umuriro kandi Yayoboraga Isirayeli umunsi ku wundi. Mu rusengero, yamenyeshaga ukuza Kwe Akoresheje igicu cy'ubwiza gikomeye. Maze umunsi umwe Yigaragaza Ari mu mubiri wabyawe n'umwari, wari waramuteguriwe. Ya Mana yari ifite ubuturo hejuru y'amahema ya Isirayeli noneho Yari Yambaye ihema ry'umubiri, kandi Yari ifite ubuturo Bwayo mu bantu, Iri mu ishusho y'umuntu. Ariko Yari IYO MANA IMWE IDAHINDUKA.

Bibiliya yigisha ko IMANA YARI IRI MURI KRISTO. UMUBIRI wari Yesu. Muri We hari harimo ukuzura k'Ubumana kose, MU BURYO BW'UMUBIRI. Ntacyabasha kuba gisobanutse neza kurusha ibyo. Ubwiru, ni byo. Kandi nyamara ni iby'ukuri. Ibyo ntibibasha gusobanuka kurusha aha. Rero, niba Itari abaperisona batatu icyo gihe, ntishobora kuba abaperisona batatu ubu. IMANA IMWE RUKUMBI, kandi iyo Mana imwe Idahinduka Yerekanywe ifite umubiri.

Yesu yaravuze ati:

*"Navuye ku Mana kandi ndasubira ku Mana."*

Yohana 16 :27-28. Neza neza ni ko byagenze. Ntiyongeye kugaragara ku isi ku bw'urupfu Rwe, ihambwa Rye, izuka Rye, izamurwa Rye.

Nyuma y'aho Pawulo yahuye na We mu nzira ajya i Damasiko ; yavuganye na Pawulo kandi yaramubwiye, ati : "Sawuli, Sawuli, undenganyiriza iki ? Pawulo yarabajije ati : "Uri nde, Mwami ?"

Yaramusubije, ati : "Ndi Yesu." Yari Inkingi y'Umuriro, Umucyo uhumisha amaso. Yari yasubiranye iyo shusho, neza neza nk'uko yari yaravuze ko yari agiye kubikora. Yari Yasubiranye ishusho yahoranye mbere yo kwambara ingando y'umubiri. Neza neza ni uko nguko Yohana yabonye ibyo. Yohana 1.18: "Uhoreye kera kose nta muntu wigeze kubona Imana, ahubwo Umwana w'ikinege uri mu gituza cya Se, ni we wayimenyekanishije." Murebe aho Yohana aravuga ko Yesu ARI, Ari MU gituza cya Se.

Luka 2.11 haravuga hati :

*"Kuko uyu munsi umukiza abavukiye mu murwa wa Dawidi, uzaba Kristo Umwami."*

Yavutse ari Kristo, maze nyuma y'iminsi umunani, igihe yakebwaga, yiswe Yesu. Ndetsese nk'uko Marayika yari yabibabwiye. Navutse ndi Branham. Mukuvuka kwange, bampaye izina rya William. Yari Kristo, ariko yahawe izina hano mu isi, mu bantu. Ubwo buturo, abantu babonaga barebeye inyuma, bwitwaga Yesu. Yari Umwami w'icyubahiro, ushobora byose wagarakaye mu mubiri. Ni Imana Data, Umwana n'Umwuka Wera. Ni We ibyo byose.

Data, Umwana n'Umwuka Wera ni amazina y'imirimo gusa. Nta bwo ari amazina. Ni yo mpamvu tubatiza mu Izina ry'Umwami Yesu Kristo, kuko ari Izina atari izina ry'umurimo. Ni izina ry'amazina y'iyo mirimo, nk'uko bafata uruhinja, rukivuka, rw'umwana w'umuhungu, kugira ngo bamwite izina. Umwana w'uruhinja, ni cyo ruri cyo; umwana, ni izina ry'icyo ari cyo; hanyuma, mukamuha izina: John Henry Brown.

Nta bwo bihagije kubatiza: "*mu Izina rya Yesu*". Hari ba Yesu ibihumbi n'ibihumbi mu isi, ndetse bari bahari mbere ya Yesu Umukiza wacu. Ariko hariho umwe muri bo wavutse ari Kristo: "Umwami Yesu Kristo."

Abantu bavuga ko Yesu ari Umwana uhoraho w'Imana. Aho se si ukwivuguruza? Ni nde waba yarigeze kumva aho bavuga Umwana Uhoraho? Abana bafite itangiriro, na ho uwo witeka ntiyigeze agira itangiriro. Ni Imana ihoraho (Yehova) agaragajwe mu mubiri.

Mu Butumwa bwiza bwa Yohana, haravuga hati:

*"Mbere na Mbere hariho Jambo, Jambo uwo yahoranye n'Imana, kandi Jambo yari Imana. Jambo uwo yabaye umuntu, abana natwe."*

Yari umugabo wo guhamya ukiranuka kandi w'ukuri w'Ijambo rihoraho rya Data, Yari Umuhanuzi kandi yashoboraga kuvuga ibyo Data yamutumaga kuvuga. Yaravuze, ati: "Data ari muri nge." Aho ni cyo Yesu yavuze, ihema ry'ingando: "Data ari muri nge."

Imana ifite amazina y'ibigi menshi: "Gukiranuka kwacu", "Amahoro yacu", "Ubera hose icyarimwe", "Data", "Umwana" na "Umwuka Wera"; ariko Ifite izina ry'ubumuntu rimwe gusa, kandi iryo zina, ni Yesu.

Ntimujijishwe nuko Ifite imirimo itatu, cyangwa nuko Yigaragaza mu buryo butatu. Ku isi, Yari Umuhanuzi; mu Ijuru, ni Umutambyi; kandi, igihe azagaruka ku isi, azaba ari Umwami w'Abami. "Uwahozeho"- ni ukuvuga Yesu, Umuhanuzi. "Uriho" - ni ukuvuga We, Umutambyi Mukuru, utwingingira, ushobora kubabazwa n'ubumuga bwacu. "Uje" - ni ukuvuga Umwami Uje. Ku isi, yari Jambo—Umuhanuzi.

Mose yamuvuzeho, ati:

*"Uwiteka, Imana yanyu, Izabahagurukiriza Umuhanuzi umeze nkange, kandi umuntu wese utazumvira uwo Muhanuzi azarimburwa mu bantu."*

Nimwandike ibuntu bikurikiyeho ku byerekeye Yesu. Ku isi, Yari Umuhanuzi, Umwana w'Intama, n'Umwana. Ku bw'ibyo ntiyarimo batatu. Gusa byari ukwigaragaza, cyangwa imirimo y'uwo muntu umwe ari We: Yesu.

Nyamara, hari igice k'Ibyanditswe giha urwitwazo abizera ubutatu, batekereza ko kigaragaza igitekerezo cyabo kivuga ko hari abarenze umuperisona (umuntu) umwe mu Bumana.

Ni Ibyahishuwe 5.6-8:

*"Nuko mbona hagati ya ya ntebe na bya bizima bine no hagati ya ba bakuru, Umwana w'Intama uhagaze usa n'uwatambwe, afite amahembe arindwi n'amaso arindwi ari yo Myuka irindwi y'Imana itumwa kujya mu isi yose."*

Araza akura cya gitabo mu kuboko kw'iburyo kw'Iyicaye kuri ya ntebe.

Amaze gufata icyo gitabo, bya bizima bine na ba bakuru makumyabiri na bane bikubita imbere y'Umwana w'Intama, bafite inanga n'inzabaya z'izahabu zuzuye imibavu, ari yo masengesho y'abera."

Bityo, iyi mirongo, ifashwe mu buryo butandukanye umurongo n'undi, yasa naho ibashygikiye. Ndavuga rwose, nti: « Niba ifashwe KU BURYO BUTANDUKANYE UMWE KU WUNDI. Nyamara, musome Ibyahishuwe 4:2-3 na 9-11:

*"Muri ako kanya mba mu Mwuka. Nuko mbona intebi y'Ubwami iteretswe mu ijuru, mbona n'UYICAYEHO. Uwari uycayeho yasaga n'ibuye ryitwa yasipi, n'iryitwa sarudiyo, kandi umukororombya wari ugose iyo ntebe usa na Simaragido."*

Iyo ibyo bizima bihaye Iyicara kuri ya ntebe ihoraho iteka ryose, icyubahiro no guhimbazwa n'ishimwe, ba bakuru makumyabiri na bane bikubita imbere y'Iyicara kuri iyo ntebe, bakaramya Ihoraho iteka ryose, bakajugunya amakamba yabo imbere y'iyo ntebe bavuga, batii:

*« Mwami wacu, Mana yacu, ukwiriye guhabwa icyubahiro no guhimbazwa n'ubutware koko, kuko ari Wowe waremye byose. Igituma biriho kandi icyatumye biremwa ni uko wabishatse. »*

Mwitegereze neza ko ku murongo wa 2, havuga ko "UMUNTU" (atari babiri, atari batatu, ahubwo UMWE) yari yicaye ku ntebe y'ubwami. Ku murongo wa 3 havuga ko "UWO" (atari abo) wari wicaye yasaga n'ibuye rya yasipi. Ku murongo wa 9, havuga ko ibizima byahaga icyubahiro "UWO NGUWO" (atari abo ngabo). Ku murongo wa 10, havuga ko abakuru bikubita imbere y'UWO NGUWO" (atari abo ngabo). Ku murongo wa 11, havuga ko bateraga hejuru n'ijwi rirenga, batii: « Ni Wowe ukwiriye, MWAMI WACU" (nta bwo ari Abami bacu). Ku murongo wa 11 havuga na none ko UWARI ku ntebe y'ubwami yari "Umuremyi" ari we Yesu (Yohana 1.3), ari We Mana-Umwuka-Yehova wo mu Isezerano rya kera (Itangiriro 1:1).

Ariko ntiduhagararire aho. Noneho musome Ibyahishuwe 3:21;

"Unesha nzamuha kwicarana Nange ku ntebe Yange y'ubwami, nk'uko Nange Nanesheje nkicarana na Data ku ntebe Ye."

Musome na none Abaheburayo 12:2,

*"Dutumbira Yesu wenyine, Ari We Banze ryo kwizera kandi ari We ugusohoza rwose, yihanganiye umusaraba ku bw'ibyishimo byamushyizwe imbere ntiyita kw'isoni zawo, yicara iburyo bw'intebi y'Imana."*

Murebe ko, dushingiye kuri Yesu ubwe, wanditse Ibyahishuwe, yicaranye na Se. Umwuka wari muri Pawulo (ubo Mwuka ni Umwuka wa Kristo, kuko ari Umwuka w'Ubuhanuzi Ijambo riza ku bwavo) Avuga ko Yicaye IBURYO bw'Imana. Ariko igithe Yohana yitegereje, yabonye gusa UMWE RUKUMBI ku ntebe y'Ubwami. Kandi gusa ni mu Byahishuwe 5:6-8 (hakurikira Ibyahishuwe 4:2-3, mu bihe bikurikirana) aho tubona umwana w'intama afata igitabo cy'Uwo, nk'uko byerekawa mu Byahishuwe 4:2-3 na 9-10, wari wicaye ku ntebe y'Ubwami. Ese ni iki? Ni ubwiru bwa "IMANA IMWE RUKUMBI." We, Yesu, yavuye ku Mana, yagaragaye mu mubiri, Yarapfuye kandi Arazuka, kandi Yasubiye mu "gituza cya Se." Nk'uko Yohana abivuga, ati: "Umwana w'ikinege uri MU gituza cya Se ni We wayimenyekanishije." Yohana 1:18.

Igihe noneho cyari gisohoye aho Imana (Mesiya) yagombaga kuza gutwara umugen We, hanyuma kugira ngo yiyeke (Yimenyeshe) Isirayeli. Turongera kubona aho ko, Imana itangira kugirana ubusabane n'umuntu ku buryo bw'umubiri nka "Umwana wa Dawidi, Umwami w'Abami n'Umutware utwara Abatware, n'Umukwe w'Ungenki ukomotse mu mahanga." NTA BWO ari Imana "ebiyiri", ahubwo ni IMWE rukumbi igaragaza imirimo Yayo itatu ikomeye n'amazina Yayo y'iyo mirimo.

abantu bari bazi ko Yari Umuhanuzi. Bari bazi ikimenyetso cya Mesiya, cyagombaga kubaho gusa giturutse ku muhanuzi.

Yohana 1:44-51:

*"Filipo uwo yari uw'i Betesayida, umudugudu w'iwabo wa Andereya na Petero. Filipo abona Natanayeli aramubwira, ati 'Uwo Mose yanditse mu mategeko, n'abahanuzi bakamwandika twamubonye. Ni Yesu mwene Yozefu w'i Nazareti.' Natanayeli aramubaza, ati : « Mbese i Nazareti hari ikiza cyahaturuka ?» Filipo aramusubiza, ati : « Ngwino urebe. » Yesu abona Natanayeli aza aho ari amuvugaho, ati : « Dore Umwisirayeli nyakuri, udafite uburiganya. » Natanayeli aramubaza, ati: «Wamenyeye he? Yesu aramusubiza, ati: "Filipo ataraguhamagara, ubwo wari munsi y'umutini nakubonye." Natanayeli aramusubiza, ati: «Rabi, uri Umwana w'Imana koko. Ni wowe Mwami w'Abisirayeli. » Yesu aramusubiza, ati: «Mbese wizejwe n'uko nkubwiye yuko nakubonye uri munsi y'umutini? Uzabona n'ibiruta ibyo.*

»

*Kandi arongera aramubwira, ati: «Ni ukuri, ni ukuri, ndakubwira yuko muzabona ijuru rikingutse, abamarayika b'Imana bazamuka bavuye ku Mwana w'Umuntu, bakamumanukiraho.»*

Kubera ubwo bubasha bwo kurondora ibitekerezo by'umutima w'umuntu, intore y'Imana yamenye ko yari iri imbere ya Mesiya, Jambo Usizwe uturutse ku Mana.

Abaheburayo 4:12:

*"Kuko Ijambo ry'Imana ari rizima, rifite imbaraga kandi rikagira ubugi buruta ubw'inkota zose, rigahinguranya ndetse kugeza ubwo rigabanya ubugingo n'umwuka, rikagabanya ingingo n'umusokoro kandi rikabangukira kugenzura ibyo umutima wibwira ukagambirira."*

Igihe umugore ku iriba yamwumvaga arondora ibitekerezo yari afite mu mutima, yamuhamije nk'umuhanuzi, avuga yeruye ko ari kuri ubwo bubasha bw'ikuzo buhebuje bajyaga kumenyeraho Mesiya.

Yohana 4:7-26:

*"Umusamariyakazi aza kuvoma, Yesu aramubwira, ati: «Mpa utuzi two kunywa, (kuko abigishwa be bari bagiye mu mudugudu kugura ibyo kurya.) Umusamariyakazi aramusubiza, ati: "Ko uri Umuyuda nkaba Umusamariyakazi, uransaba amazi ute?" Icyatumye abaza atyo ni uko Abayuda banenaga Abasamariya. Yesu aramusubiza, ati: "Iyo uba wari uzi impano y'Imana, ukamenya n'Ugusabye amazi uwo ari We, nawe uba umusabye na We akaguha amazi y'ubugingo." Undi, ati: "Databuja, ko udafite icyo uvomesha n'iriba rikaba ari rirerire, none se ayo mazi y'ubugingo wayakura he? Mbese ye uruta sogokuruza Yakobo wadufukuriye iri riba, kandi akaba yaranywaga amazi yaryo ubwe n'abana be n'amatungo ye?" Yesu aramusubiza, ati: "Umuntu wese unywa aya mazi azongera kugira inyota, ariko unywa amazi Nzamuha ntazagira inyota rwose iteka ryose, ahubwo amazi nzamuha azamuhindukiramo isoko y'amazi adudubiza kugeza mu bugingo buhoraho." Umugore aramubwira, ati: "Databuja, mpa kuri ayo mazi ntazagira inyota, kandi ntazagaruka kuvoma hano kuko ari kure." Yesu aramubwira, ati: "Genda uhamagare umugabo wawe maze ugaruke hano." Umugore aramusubiza, ati : "Nta mugabo mfite." Yesu aramubwira, ati : «Uvuze ukuri yuko udafite umugabo, kuko wari ufite abagabo batanu, n'uwo ufite ubu si uwawe. Ibyo byo ubivuze ukuri." Umugore aramubwira, ati :"Databuja, menye yuko uri Umuhanuzi. Ba sogokuruza bacu basengeraga kuri uyu musozi, namwe mukagira ngo i Yerusalem ni ho hakwiriye gusengerwa." Yesu aramusubiza, ati : «Mugore, nyizera. Igihe kizaza, ubwo bazaba batagisengera Data kuri uyu musozi cyangwa i Yerusalem. Dore mwebweho musenga icyo mutazi, ariko twebwe dusenga ibyo tuzi kuko agakiza kava mu Bayuda. Ariko igihe kiraje ndetse kirasohoye, ubwo abasenga by'ukuri basengeraga Data mu Mwuka no mu kuri, kuko Data ashaka ko bene abo ari bo bamusenga. Imana ni Umwuka, n'abayisenga bakwiriye kuyisengera mu*

*Mwuka no mu kuri." Umugore aramubwira, ati : "Nzi yuko Mesiya azaza, (ari We witwa Kristo), kandi ubwo azaza azatubwira byose." Yesu aramubwira, ati :"Ni Nge tuvugana. »*

Mu Byahishuwe 15 :3 haravuga, hati:

*"Baririmba indirimbo ya Mose imbata y'Imana n'indirimbo y'UMWANA W'INTAMA, bati : «Mwami Imana Ishobora byose, imirimo Yawe irakomeye kandi iratangaje. Mugabe w'amahanga, Inzira zawe ni izo gukiranuka n'ukuri."*

Murabona ? UMWANA W'INTAMA, Umutambyi Mukuru utamba amaraso Ye ku gicaniro k'ihongererero nk'impongano y'ibyaha byacu. Ni Umwami Imana Ishobora byose. Aho ni wo murimo We akora ubu. Ni cyo Akora muri iki gihe, Atwingingira atamba Amaraso Ye ku bw'ibyaha byacu. Ariko umunsi umwe, uwo Mwana w'Intama azahinduka Intare yo mu muryango wa Yuda. Azazana ubwiza n'imbaraga kugira ngo afate ubutware kandi yime ingoma nk'Umwami. Ni We Mwami uzaza kwima ingoma kuri iyi si. Birumvikana, ibi ntibishaka kuvuga ko ubu Atari Umwami. Ku bw'ibyo, ni Umwami wacu, Umwami w'Abera. Muri iki gihe, ni ubwami bwo mu buryo bw'Umwuka. Ubu nguba nta bwo ari ubw'imikorere y'iyi si, nk'uko natwe, tutari ab'iyi si. Ni ku bw'ibyo tudakora nk'isi. Turi abenegihugu b'Ijuru. Tugaragaza umwuka w'isi ku bwo kuvuka ubwa kabiri kwacu, iyo Yesu Kristo abereye Umwami. Ngiyo impamvu ituma abagore bacu batambara imyambaro y'abagabo, batiyogoshesha imisatsi kandi badakoresha biriya bintu byose byo kwigira beza n'ibindi bikunzwe cyane mu isi. Ngiyoimpamvu ituma abagabo bacu batanywa inzoga, batanywa itabi, kandi bataba mu cyaha. Ubutware bwacu ni ubutware bwo kunesha icyaha, kandi ubwo butware bukoreshwa ku bw'ubushobozi bw'Umwuka wa Kristo utura muri twe. Ubwami bw'isi bwose buzasenywa, ariko ubwacu buzahoraho iteka ryose.

Tumaze kuvuga imirimo no kwigaragaza kw'Imana Imwe rukumbi y'ukuri, kandi twarebye ubwiza

Bwayo ku bwo kwiga Ibyanditswe. Ariko ntawubasha kuyimenza akoresheje ubwenge. Ni mu buryo bw'Umwuka tuyimenza, binyuze mu guhishurirwa guturutse ku Mwuka. Uriya nyine, yambaye umubiri, yari azwi nka Yesu, yarongeye ahinduka Inkingi y'Umuriro. Ariko Yasezeranye ko yajyaga kuzagaruka kugira ngo Ature mu bwoko Bwe mu buryo bw'Umwuka. Kandi ku munsi wa Pantekote, iyo nkinci y'umuriro yaramanutse maze yigabanyamo indimi z'umuriro zijya kuri buri wese wo muri bo. Mbese Imana yakoraga iki? Yigabanyaga mu Itorero, Iha abo bagabo bose n'abagore umugabane Wayo Ubwayo. Yarigabanyije mu Itorero Ryayo, nk'uko Yari Yaravuze ko yajyaga kuzabikora. Yohana 14:16-23: "Nange nzasaba Data, na We azabaha undi Mufasha wo kubana namwe ibihe byose, ni We Mwuka w'Ukuri. Ntibishoboka ko ab'isi bamuhabwa, kuko batamurora kandi batamuzi, ariko mwebweho muramuzi kuko abana namwe, kandi azaba muri mwe. Sinzabasiga nk'imfubyi, ahubwo nzaza aho muri. Hasigaye umwanya muto ab'isi ntibabe bakimbona, ariko mwebweho muzambona, kuko Ndihio namwe muzabaho. Uwo munsi muzamenya ko Ndi muri Data namwe mukaba muri Nge, nange nkaba muri mwe. Ufite amategeko yange akayitondera ni we nkunda, kandi unkunda azakundwa na Data, Nange nzamukunda mwiyereke. Yuda utari Isikariyota aramubaza, ati: "Databuja, bibaye bite ko ugiye kutwiyyereke ab'isi? Yesu aramusubiza, ati:

*"Umuntu nankunda azitondera Ijambo Ryange, na Data azamukunda, tuzaza aho ari tugumane na we."*

Yavuze ko Yajyaga gusaba Data, Wajyaga kohereza undi mufasha wari usanzwe ari KUMWE na bo (abigishwa), ariko ATARI MURI bo. Uwo yari Kristo. Hanyuma, ku murongo wa 23, yivugaho We ubwe no kuri Se, aravuga, ati: "TUZAZA." Ngibyo: "Umwuka Araza, uwo Mwuka umwe w'Imana, Yigaragaje nka Data, nk'Umwana, kandi Azongera kwigaragaza na none mu buryo bwinshi." IMANA IMWE RUKUMBI, ari yo Mwuka.

Ni yo mpamvu ari nta muntu n'umwe ushobora na rimwe kuza ngo avuge ko uwera (umuntu w'umutagatifu) ari Papa, cyangwa ko umuntu wera ari Munsenyeri cyangwa Padiri. UMUNTU WERA, ni Kristo, Umwuka Wera, muri twe. Ni gute izo nzego zitinyuka kuvuga ko abalayiki nta cyo bafite kuvuga? Buri wese afite icyo kuvuga. Buri wese afite umurimo, buri wese afite icyo akora. Umwuka Wera yaje ku munsi wa pantekote, kandi Yagiye kuri buri wese, kugira ngo ibyo Kristo yavuze bisohore: "Uwo munsi muzamenya ko Ndi muri Data namwe mukaba muri Nge, Nange nkaba muri mwe." Yohana 14:20

Ndihio ukomeye, Imana ishobora byose, yaje nk'Umwuka kugira ngo Yuzure Itorero Rye ry'ukuri. Afite uburenganzira bwo gukorera aho ashaka no ku wo ashaka. Ntidushobora kugira uwo tugira "umuntu wera (umutagatifu)" muri twe, ariko iteraniro ry'ukuri ry'Umwami ryose uko ryakabaye ni Iryera, ku bwo kuhaboneka k'Umwuka Wera. Ni We, Umwuka Wera kandi si iteraniro ubwaryo ryigira iryera.

Nguku rero uguhishurirwa: Yesu Kristo ni Imana. Yehova w'Isezerano rya Kera ni we Yesu w'Irishya. Ibyo uzakora byose ntushobora kwerekana ko hariho IMANA ESHATU. Ariko na none bibasaba uguhishurirwa n'Umwuka Wera kugira ngo usobanukirwe ukuri ko Ari Imwe. Hakenewe uguhishurirwa kugira ngo ubone ko Yehova wo mu Isezerano rya Kera ari we Yesu w'Irishya. Satani yinjiye rwihihwa mu Itorero kandi yahinduye abantu impumyi kuri uko kuri. Kandi amaze kubahumisha, nta gihe byatwaye ngo itorero ry'i Roma rireke kubatiza mu Izina ry'Umwami Yesu Kristo.

Nzi ko hakenewe uguhishurirwa nyakuri guturutse k'Umwuka Wera kugira ngo ubone ukuri ku byerekeye Ubumana, muri iyi minsi igithe Ibyanditswe byera byagoretswe. Ariko Itorero ryanesheje, rihora rinesha, ryubatswe ku guhishurirwa; dushobora rero gutegereza ko Imana Iduhishurira ukuri Kwayo. Ntimukeneye rwose uguhishurirwa ku byerekeye umubatizo w'amazi. Rwose uri aho, ku mugaragaro imbere yanyu. Byashoboka, mu kanya gato, ko intumwa zateshuka ku itegeko riturutse ku Mwami uwo mwanya, ryo kubatiza mu Izina rya Data, ry'Umwana n'iry'Umwuka Wera, ku bwo kutubaha nkana? Bari bazi neza Izina iryo ari ryo, kandi nta gice na kimwe k'Ibyanditswe aho baba barabatije ku bundi buryo atari mu Izina ry'Umwami Yesu Kristo. Imyumvire myiza isanzwe izakumvisha ko igitabo k'Ibyakozwe, ari Itorero mu bikorwa, kandi niba barabatije muri ubwo buryo, ni gutyo tugomba kubatiza. Kandi niba musanze iyi mvugo ikomeye cyane, muravuga iki kuri iyi ngiyi: umuntu wese utari warabatijwe mu Izina ry'Umwami Yesu yagombaga kongera kubatizwa bundi bushya.

Ibyakozwe 19:1-6:

*"Apolo ari i Korinto, Pawulo anyura mu bihugu byo haruguru asohora muri Efeso, asangayo abigishwa bamwe. Arababaza, ati: "Mwahawe Umwuka Wera mugitangira kwizera?" Baramusubiza, bat: "Nta bwo twari twumva yuko Umwuka Wera yaje." Arababaza, ati: "Mwabatijwe mubatizo ki?" Baramusubiza, bat: "Umubatizo wa Yohana." Pawulo, ati: "Yohana yabatije umubatizo wo kwihana, abwira abantu kwizera uzaza hanyuma ye, ari we Yesu." Babyumvise batyo babatizwa Mu Izina ry'Umwami Yesu. Pawulo amaze kubarambikaho ibiganza Umwuka Wera abazaho, bavuga izindi ndimi barahanura."*

[Insobanuro ya Darby]. Ngaho aho turi. Abo bantu b'imico myiza, muri Efeso, bari barumvise bavuga ibya Mesiya wagombaga kuza. Yohana yari yarigishije kuri We. Bari barabatijwe kubwo kwihana ibyaha byabo, bategereje kwizera Yesu WARI UGIYE KUZA. Ariko noneho, cyari igithe cyo gusubiza amaso

INYUMA bayerekeje kuri Yesu, wari waraje, no kubatizwa ku bwo KUBABARIRWA ibyaha. Cyari igihe cyo kwakira Umwuka Wera. Kandi, igihe babatijwe mu Izina ry'Umwami Yesu Kristo, Pawulo yabarambitseho ibiganza, kandi Umwuka Wera yabajeho.

Yoo, abo bantu b'imico myiza bo muri Efeso bari abantu batangaje bihebuje; niba haba hari umuntu wumvaga afite uburenganzira bwo kuba ari mu mutekano rwose, bari abo ngabo. Mwitegerezre aho bari barageze. Bari barageze aho babasha kwemera Mesiya wagombaga kuza. Bari biteguye kumwakira. Ariko ntimubona ko nubwo bari bafite ibyo, batari baramubonye? Yari yaraje, kandi yari yarasubiyeyo. Bari bakeneye kubatizwa mu Izina ry'Umwami Yesu Kristo. Bari bakeneye kuzuzwa Umwuka Wera.

Niba warabatijwe mu Izina ry'Umwami Yesu Kristo, Imana izakuzuza Umwuka Wayo. Ni Ijambo. Ibyakozwe 19:6, aho twasomye, byari ugusohora kw'Ibyakozwe 2:38:

*"Nimwihane umuntu wese muri mwe abatizwe mu Izina ry'Umwami Yesu Kristo ngo mubone kubabarirwa ibyaha byanyu, kandi namwe muzahabwa iyi mpano y'Umwuka Wera."*

Murabona, Pawulo, ayobowe n'Umwuka Wera, yavuze neza neza ibyo Petero yari yavuze ayobowe n'Umwuka Wera. Kandi ibyavuzwe NTIBISHOBORA guhindurwa. Ibyo bigomba kuguma uko biri uhoreye kuri Pantekote ukageza aho intore ya nyuma izabatirizwa. Abagaratiya 1:8: "Ariko nihagira ubabwiriza ubutumwa butari ubwo twabawirije, ari twe cyangwa ndetse malayika uvuye mu ijuru, avumwe!"

Ariko bamwe bo muri mwe, abizera Imana imwe, babatiza mu buryo butari bwo. Mubatiza ku bwo kubyarwa ubwa kabiri, nkaho igikorwa cyo kwibizwa mu mazi kibakiza. Ukubyarwa ubwa kabiri ntikuzanwa n'amazi; ni igikorwa cy'Umwuka. Umuntu, ayobowe n'Umwuka Wera, yatanze itegeko, ati: "Nimwihane, kandi buri wese muri mwe abatizwe mu Izina ry'Umwami Yesu." Nta bwo yavuze ko amazi atuma umuntu avuka ubwa kabiri. Yavuze ko gusa bwari ubuhamya "bw'umutima uticira urubanza ku Mana." Nta kindi kirenzeho.

1Petero 3:21:

*"Na n'ubu amazi ni yo akibakiza mu buryo bw'igishushanyo cyo kubatizwa, icyakora si uko akuraho ico ryo ku mubiri, ahubwo ni isezerano ku Mana ry'umutima uticira urubanza, ribakirisha namwe kuzuka kwa Yesu Kristo."*

Ndabyizerwa. Niba hari umuntu ufite igitekerezo kidatunganye kivuga ko amateka agaragaza ko ari ngombwa kubatiza mu mazi ku buryo butandukanye n'ubwo mu Izina ry'Umwami Yesu Kristo, ndamugira inama yo kwiga amateka kugira ngo yirebere ubwe. Ngiyi inkuru y'umwimerere y'umubatizo wabereye i Roma mu mwaka wa 100 w'igihe cyacu, kandi yongeye kwandikwa mu kinyamakuru TIME cyo kuwa 05 Ukuoba 1955, kiti: "Umudiyakoni azamura ikiganza, maze Publius Decius yinjira mu muryango w' aho babatiriza. Ahagaze mu mazi amugera mu rukenyerero, hari hahagaze Marcus Vasca, umucuruzi w'ibiti. Yarasekaga, mu gihe Publius yagendaga amwegera mu mazi y'ikidendezi. Aramubaza, ati: "Urizeye?" Publius aramusubiza, ati: "Ndizeye. Nizeye ko agakiza kange gaturuka kuri Yesu, Kristo, wabambwe ku ngoma ya Ponsiyo Pilato. Napfanye na We, kugira ngo hamwe na We mbone ubugingo bw'iteka. Nuko yumva amaboko y'imbaraga yari amufashe, mu gihe yagwaga agaramye mu kidendezi, yumva hafi y'ugutwi kwe ijwi rya Marcus, ati: 'Nidakubatije mu Izina ry'Umwami Yesu', hanyuma amazi akonje aramurengera."

Muri icyo gihe, no kugeza igihe ukuri kuburiye, ni ukuvuga mu nama nkuru y'i Nikeya, igihe cyose babatizaga mu Izina ry'Umwami Yesu Kristo. Uko kuri kwari kwarazimiye kwagombaga kongera kuboneka gusa mu gihe cya nyuma, ibyo bikabaho mu ntangiriro z'ikinyejana cyacu. Ariko kwaragarutse. Satani ntashobora kubuza uguhishurirwa kugaragara igihe Umwuka ashaka kugutanga.

Ni byo, iyo haza kuba hariho Imana eshatu, mwajyaga kubasha rwose kubatiza ku bwa Data, Umwana n'Umwuka Wera. ARIKO UGUHISHURIRWA KWAHAWE YOHANA kwari uko hariho Imana Imwe kandi ko Izina Ryayo ari UMWAMI YESU KRISTO. Kandi ko babatiza ku bw'Imana IMWE kandi Imwe rukumbi. Ni yo mpamvu Petero yabatije muri ubwo buryo, ku munsi wa Pantekote. Yagombaga kubahiriza neza neza uguhishurirwa nk'uko kwari kuri, ati:

*"Nuko abo mu muryango wa Isirayeli bose, nibamenye badashidikanya yuko YESU uwo mwabambye, Imana yamugize UMWAMI NA KRISTO." Nguwo "UMWAMI YESU KRISTO."*

Niba Yesu "ICYARIMWE" ari Umwami na Kristo, icyo gihe We (Yesu) nta kindi Ashobora kuba cyo usibye Data, Umwana n'Umwuka Wera" mu muntu UMWE RUKUMBI ugaragajwe mu mubiri. Nta bwo ari: "Imana mu baperisona (abantu) batatu, ubutatu butagatifu," ahubwo IMANA IMWE RUKUMBI, UMUPERISONA (UMUNTU) UMWE ufite amazina atatu y'imrimo y'ingenzi, ufite imrimo itatu igaragaza ayo mazina. Nimwongere mubyumve, ati: "Uwo Yesu 'ICYARIMWE ni Umwami na Kristo.'" Umwami (Data) na Kristo (Umwuka Wera) ni Yesu, kuko We (Yesu) ni abo babiri (ICYARIMWE Umwami na Kristo).

Niba aho tudashobora kubona uguhishurirwa nyakuri k'Ubumana ntiduteze kuzakubona na rimwe.

Umwami NTA BWO ari undi muntu; Kristo NTA BWO ari undi muntu. Uwo Yesu ni Umwami Yesu Kristo-IMANA IMWE RUKUMBI.

*Umunsi umwe, Filipo abwira Yesu, ati: "Mwami, twereke Data wa twese ibyo biraba bihagije." Yesu aramubwira, ati: "Nabanye nawe igithe kingana gitya utari wamenya? Umbonye aba abonye Data; ni iki gitumye uvuga uti: Twereke Data wa twese? Nge na Data Turi Umwe."*

Igihe kimwe, nk'uko navugaga ibyo, umudamu umwe yarambwiye, ati: "Akanya gato, Bwana Branham, wowe n'umufasha wawe muri umwe."

Narasubije, nti: "Nta bwo ari muri ubwo buryo".

Aravuga, ati : "Ngo iki ?"

Nuko ndamubaza nti : "Urambona ?"

Arasubiza ati : "Yego"

Ndamubaza nti: "Urabona umugore wange?"

Aravuga, ati "Oya."

Ndavuga nti : "Rero, ubwo bumwe ni ubwo mu yindi miterere, » kuko Yavuze ati : "Igihe mumbonye, muba mubonye Data."

Umuhanuzi yavuze ko hajyaga kubaho umucyo mu gihe cy'umugoroba. Mu ndirimbo, haravuga hati :"Mu gihe cy'umugoroba, umucyo uzaboneka,

Inzira y'ubwiza, aho uzayibona ;

Ni mu nzira y'amazi umucyo wa none uri,

Uhambwe mu Izina ry'agaciro gakomeye rya Yesu.

Abato n'abakuze, nimwihane icyaha cyanyu cyose.

Umwuka Wera nta kabuza azabinjiramo.

Umucyo wa nimugoroba waraje,

Ni byo, ni ibiragaragara ko Imana na Kristo ari umwe."

Nta gihe kirekire gishize, navuganaga n'umwigisha mukuru w'Umuyuda. Yarambwiraga, ati: "Mwebwe abanyamahanga, ntimushobora kugabanyamo Imana gatatu maze ngo muhereze ibyo Umuyuda. Tuzi byinshi kurusha ibyo."

Naramusubije nti: "By'ukuri, Bwana mwigisha, ntitugabanya Imana mo gatatu. Mwizera abahanuzi, siko biri?"

Aravuga ati: "Rwose ni byo."

Mwizera Yesaya 9:6?

Yego.

Ni nde umuhanuzi yavugagaho ?

Ni Mesiya."

Ndavuga nti :"Mesiya azaba ari muntu ki, umugereranje n'Imana ?"

Aravuga ati : "Azaba ari Imana."

Ndavuga nti : "Ni ko biri rwose." Amina.

Ntimushobora guhindura Imana mo abaperisona (abantu) batatu cyangwa ibice bitatu. Ntimushobora kubwira Umuyahudi ko hariho Data, n'Umwana, n'Umwuka Wera. Azahita ababwira aho icyo gitekerezo cyakomotse. Abayuda bazi ko iyo myizerere yashyizweho mu nama nkuru y'i Nikeya. Ntibitangaje ko batwita abapagani.

Tuvuga Imana idahinduka. Abayuda na bo barabyizera. Gusa, Itorero ryahinduye Iyo Mana Idahinduka iva kuri IMWE ziba ESHATU. Ariko umucyo ugarutse mu gihe cy'umugoroba. Mbega ukuntu bitangaje kubona ko uko kuri kugarutse igithe Abayuda basubira muri Palestina. Imana na Kristo ni UMWE.

Uwo Yesu ni UMWAMI NA KRISTO ICYARIMWE.

Yohana yari afite uguhishurirwa, kandi YESU yari Uguhishurwa, kandi yarigaragaje rwose hano, muri uwo murongo w'Ibyanditswe,

*Ati : "NDI Uwahozezo, Uriho, kandi Uje, Ushobora byose. Amina."*

Niba uguhishurirwa mutabasha kugushyikira, nimwubure amaso kandi mushake Imana kugira ngo muguhabwe. Nta bundi buryo buriho kuri mwe bwo kuguhabwa. Uguhishurirwa kugomba guturuka ku Mana. Ntikuboneka na rimwe ku bw'ubushobozi bwa kimuntu, busanzwe, ahubwo ni ikintu muhabwa ku buryo bw'Umwuka. Mwabasha ndetse gufata mu mutwe Ibyanditswe, ariko, nubwo byaba ari byiza bitangaje, nta bwo ari ubwo buryo muzabigeraho. Bigomba kuba ari uguhishurirwa kuvuye ku Mana. Byanditswe mu Ijambo ko ntawubasha kuvuga ko Yesu ari Kristo, atabibwirijwe n'Umwuka Wera. Ugomba kwakira Umwuka Wera ; hanyuma, kandi hanyuma gusa, Umwuka ashobora kuguhishurira ko Yesu ari Kristo : Imana, Uwasizwe.

Nta muntu n'umwe uzi iby'Imana, keretse Umwuka w'Imana n'uwo Umwuka w'Imana abihishuriye. Bidusaba gusaba Imana uguhishurirwa kurusha ikintu cyose mu isi. Twemeye Bibiliya, twemeye ukuri guhebuje kuyrimo ; nyamara, ku bantu benshi, igihe cyose ntibabera Ukuri, kubera ko hatariho uguhishurirwa ku bw'Umwuka. Ijambo ntiriba ryahawe ubuzima. Bibiliya mu 2 Abakorinto 5 :21 ivuga ko :

"Twahindutse gukiranuka kw'Imana ku bwo kuba umwe na Yesu Kristo. Murabyumva ? Ivuga RWOSE ko TURI UGUKIRANUKA KW'IMANA UBWAYO MURI KRISTO. Ivuga ko We (Yesu) yahindutse ICYAHYA ku bwacu. Ntivuga ko yahindutse umunyabyaha, ahubwo yahindutse ICYAHYA ku bwacu, ku bwo kuba umwe na We duhinduke Ugukiranuka kw'Imana. Niba twemera rwose ibyo (kandi tugomba kubyemera) yuko we yahindutse ICYAHYA nk'uko bivugwa, ku bwacu akishyira mu kimbo cyacu, icyo gihe tugomba kwemera yuko, ku bwo kuba umwe na We, twahindutse UGUKIRANUKA KW'IMANA. Kwanga kimwe, ni ukwanga ikindi. Kwemera kimwe, ni ukwemera ikindi. Tuzi neza ko Bibiliya ivuga ibyo. Ntawubasha kubihakana. Ahubwo habuze ukubihishurirwa. Ibyo si ko biri kuri benshi mu bana b'Imana. Ni umurongo mwiza wa Bibiliya, nta cyo wongeyeho. Ariko ugomba guhindurwa MUZIMA kuri twe. Ku bw'ibyo, bizasaba uguhishurirwa.

Ngiye kongeraho ikintu hano kigiye icyarimwe kubatangaza kandi kikabafasha. Nta bahanga b'intiti bariho batizera ko Isezerano Rishya ry'umwimerere ryari mu Kigiriki. Abahanga bacu bose b'intiti zikomeye mu bijyanye na Bibiliya bavuze ko Imana yahaye isi amahanga atatu akomeye, afite ibintu bitatu bikomeye byo gufasha Ubutumwa Bwiza. Yaduhaye Abagiriki, baduhaye ururimi rw'isi yose. Yaduhaye Abayuda, baduhaye iyobokamana ry'ukuri n'ubumenyi nyakuri bw'Imana binyuze mu Mukiza. Yaduhaye Abaroma, baduhaye ubwami bwiyunze bufite ubutabera n'imihanda myinshi ihuza uduce. Ku bw'ibyo, dufite iyobokamana ry'ukuri, ururimi rudufasha kurigeza ku moko menshi, n'ubutegetsi n'imihanda bigize ibintu bitworohereza kurikwirakwiza. Kandi, binyuze mu mateka, bisa nkaho ari ukuri.

Kandi uyu munsi, abahanga bacu mu Kigiriki bavuga ko ururimi rw'Ikigiriki rwo mu gihe cya Bibiliya rutunganye bizira amakemwa ku buryo uwiga inyandiko z'Ikigiriki ari umuhanga w'inzobere mu kibonezamvugo kandi w'ntyozza, ashobora kumenya mu by'ukuri icyo Ijambo ry'Isezerano Rishya ryigisha. Ariko ibi si amagambo gusa ? Ese ni ko biri koko ? Ahubwo se ntusanga buri muhanga w'ikigiriki kabuhariwe w'idini runaka arwanya undi muhanga w'Ikigiriki w'irindi dini, kandi ibyo bavuga biba bishingiye ku magambo y'Ikigiriki asa n'amategeko y'ikibonezamvugo amwe ? Bidashidikanya, ni uko bimeze.

Rwose mu gihe cya Perugamo, rwose mbere y'inama nkuru y'i Nikeya yo mu mwaka wa 325, abahanga b'intiti babiri bakomeye, Arius na Athanase barahanganye batumvikana ku nyigisho imwe ku byerekeye ijambo rimwe ry'ikigiriki. Impaka zabo zahindutse ikintu gikomeye cyane kandi zikwira isi yose ku buryo abanyanyamateka bavuze ko isi yari yigabanijemo ibice ku bw'imivugire y'inajwi ebyiri zigize umugemo umwe. Rero niba Ikigiriki gitunganye ako kageni kandi cyarateganiwe n'Imana, impaka nk'izo ni iz'iki ? Nta gushidikanya, Imana nta bwo yari yarateganije ko tugomba kumenya Ikigiriki twese. Uyu munsi na none, baracyajya impaka ku byerekeye Ikigiriki. Dufate urugero igitabo kitwa: "Christ's Paralyzed Church X-rayed (Ifoto y'Itorero rya Kristo ritagifite ubushobozi bwo kugira icyo rikora", cya Dogiteri McCrossan. Umwanditsi ashingira ku mvugo nyinshi z'inzobere nyinshi z'ibyamamare z'ikibonezamvugo k'Ikigiriki kugira ngo ashingireho igitekerezo ke, cy'uko amategeko adahinduka y'Ikibonezamvugo k'Ikigiriki agaragaza ku buryo budasubirwaho ko Bibiliya yigisha ko umuntu abatizwa n'Umwuka Wera nyuma yo kuvuka ubwa kabiri. Hanyuma akavuga ashize amanga ko abagore bashobora kubwiriza, kuko guhanura bisobanura kubwiriza. Mbese yigeze yemeza abandi bahanga mu Kigiriki na bo b'ntyozza nka we? Nta na gato. Birahagije kuri mwe gusoma ibyo abahanga b'intiti bavuga bashyigikira igitekerezo gihabanye, bavuga imirongo y'ibyanditswe yizweho neza.

Nyamara, gusa atari uko ibyo maze kuvuga ari ukuri, ahubwo tugiye gutera indi ntambwe. Uyu munsi, dufite abahanga b'intiti bavuga ko inyandiko z'umwimerere zari zanditswe mu "Cyarameyi," ari rwo rwari ururimi rwa Yesu n'abo mu gihe ke. Bahamya ko abantu batavugaga cyangwa ngo bandike Ikigiriki, nk'uko bakunze kubyibwira. Kandi ni ngombwa kumenya ko abanyamateka bacu baciwemo ibice n'icyo kibazo.

Nk'urugero, Dogiteri Schonfield, umuhanga w'inzobere, yishingikiriza ku bushakashatsi bwe kugira ngo ashingire ku gitekerezo ke cy'uko Isezerano Rishya ryanditswe mu Kigiriki cya rubanda rwo muri icyo gihe. Agaragaza rwose ku buryo butangaje icyo gitekerezo, ashingiye ku nyandiko zinyuranye afite. Nyamara dufite indi nzobere y'intyoza, Dogiteri Lamsa, we, azi neza ko Isezerano Rishya ryanditswe mu Cyarameyi." Kandi nta wundi utari Toynbee, umunyamateka w'umuhanga, ushyigikira igitekerezo ke kivuga ko icyarameyi" kandi ATARI IKIGIRIKI, cyari ururimi rwa rubanda, rero bisa nkaho bishoboka ko Isezerano Rishya rishobora kuba ryarabanje kwandikwa mu cyarameyi.

Nyamara, mbere yuko duhangayikishwa n'icyo kibazo, dusome Bibiliya yahinduwe yitiriwe umwami James (King James), ni kimwe n'insobanuro ya Dogiteri Lamsa. Dusanga n'umunezero ko izo nyandiko zombi - ikintu gitangaje - zikoresha amagambo asa, ku buryo hatariho, mu by'ukuri, itandukaniro ry'ibikubiyemo cyangwa ry'inyigisho.

Dushobora ndetse kwanzura ko Imana yemeye ko izi nyandiko zivumbuwe vuba aha, hamwe n'izindi zari zizwi kandi zimaze gutangazwa, zitugeraho kugira ngo zigaragaze umwimerere w'ibyo twari dufite. Ku bw'ibyo tubona ko, nubwo abazihinduye batavuga rumwe hagati yabo, nta bwo ari ko biri ku nyandiko.

Murabona noneho ko utabasha gushingira insobanuro ku bumenyi buhanitse bw'umuhanga w'inzobere mu rurimi Bibiliya yanditswemo. Dore nyamara na none urugero rwa nyuma, kuri mwebwe igihe cyose mutabasha kubibona kubera ko ibitekerezo byanyu bihumishijwe n'imihango, ntawashidikanya ko abanditsi, Abafarisayo n'abahaha bakomeye b'intiti bo mu mwaka wa 33 nyuma ya Yesu Kristo bari bafite ubumenyi nyabwo bw'amategeko y'ikibonezamvugo n'insobanuro n'ubw'amagambo y'inyandiko y'Isezerano rya Kera. Nyamara, nubwo bari bafite ubwo bumenyi bwabo butangaje, bananiwe guhishurirwa Ijambo Ryasezeranijwe ry'Imana, Ryagaragajwe mu Mwana. Yagaragajwe uhereye mu Itangiriro ukageza muri Malaki, ibice byose uko byakabayebayavugaga kuri We n'umurimo we, uretse bake bari bamurikiwe n'Umwuka, ntibamumenye burundu.

Tugeze noneho ku mwanzuro, umwanzuro twamaze kubona mu Ijambo. Nubwo twizera ko ari byiza gushakashaka uko twabona inyandiko z'ukuri kurushaho kandi za kera kurushaho kugira ngo tubone inyandiko yo kwizerwa bishoboka kurushaho y'Ijambo, ntituzigera na rimwe tubona insobanuro yayo nyakuri mu kwiga cyangwa mu kugereranya ibyanditswe, nubwo twaba turi abanyakuri kose. UGUHISHURIRWA GUTURUKA KU MANA KONYINE NI KO KUZABASHA KUBIGARAGAZA. NEZA NEZA NI BYO PAWULO YAVUZE ATI: "KANDI TURABIVUGA, TUDAKORESHEJE AMAGAMBO UBWENGE BW'UMUNTU BWIGISHA AHUBWO DUKORESHEJE AY'UMWUKA WERA YIGISHA."

### I Abakorinto 2.13

Uguhishurirwa nyakuri, ni igihe Imana isobanura Ijambo Ryayo bwite ihamiriza ibyasezeranijwe.

Nyamara, ntihagire umuntu n'umwe wumva nabi ibyo navuze kandi ngo yibwire ko ntizera ukuri nyako kw'Ijambo nk'uko tugufite ubu. Nizera ko iyi Bibiliya ari ukuri kudashidikanyaho. Igihe Yari ari hano ku isi, Yesu Yashyizeho ku buryo butunganye umwimerere w'Isezerano rya Kera, kandi iryo ngiryo ryateguwe neza neza nk'Isezerano Rishya dufite. Ntimubyibeshyeho, dufite Ijambo ridakuka ry'Imana uyu munsi, kandi ntihakagire umuntu n'umwe utinyuka kurigabanyaho cyangwa ngo aryongeraho ikintu runaka. Ahubwo dukeneye wa Mwuka umwe wariduhaye, ngo abe ari We uritwigisha.

Yoo! Mbega ukuntu dukeneye guhishurirwa n'Umwuka. Ntidukeneye Bibiliya nshya, ntidukeneye insobanuro Yayo nshya, - nubwo zimwe na zimwe ari nziza bihebuje, kandi simbirwanya, - ahubwo dukeneye uguhishurirwa guturutse k'Umwuka. Kandi, ku bw'ubuntu bw'Imana, dushobora kubona ibyo dukeneye, kuko Imana ishaka kuduhishurira Ijambo Ryayo ikoresheje Umwuka Wayo.

Imana ku bw'Umwuka Wayo itangire Iduhe uguhishurirwa igihe cyose, kunesha n'isoko y'ubugingo. Yoo! Iyaba gusa itorero ryabashaga kwakira uguhishurirwa gushya, maze Ijambo rigahinduka rizima ku bw'uko guhishurirwa rikaba Ijambo rizima rigaragajwe, icyo gihe twabasha gukora imirimo ikomeye kurushaho no guha ikuzo Imana Data wa twese uri mu ijuru.

### KUBOHORWA TUKAVA MU CYAHA

Ibyahishuwe 1.5:

"We Udukunda, watwogesheje amaraso Ye ibyaha byacu."

Ijambo risobanura ngo: "twogejwe", mu bigaragara, risobanura: "twabohowe": yatwogeje ibyaha byacu ku bw'Amaraso Ye". Mbese ntibitangaje? Ariko mushingiye ku bintu by'Umwuka? Mwashoboye kubyumva? Ni amaraso ye BWITE yatubohoye burundu icyaha. Nta bwo yari amaraso y'umuntu. Yari Amaraso y'Imana. Petero ayita Amaraso ya Kristo. Pawulo ayita Amaraso y'Umwami, n'Amaraso ya Yesu. Nta bwo ari (abaperisona) abantu batatu, ahubwo UMUNTU UMWE RUKUMBI. Dore na none uko guhishurirwa, ati: "IMANA IMWE RUKUMBI. Iyo Mana Yehova ishobora byose yaramanutse, yiremeye umubiri inyuze mu kubyarwa n'umwari, kandi Yawutuyemo kugira ngo abe Amaraso y'Imana Atubohora

(Atubatura burundu) ku byaha byacu kandi atuma tuboneka imbere Yayo tudafite umugayo kandi turi mu munezero.

Murifusa urugero rw'igishushanyo rwo mu Isezerano rya Kera? Dusubire mu ngobyi ya Edeni. Igihe amakuru ya mbere yageze mu bwiza, ko umwana, Adamu, yari yazimiye, ese ni Marayika Imana yohereje? Ese ni Umwana Yohereje? Ese ni undi muri bagenzi bacu yohereje? Oya, Yariyiziye YO UBWAYO gucungura uwo mwana wazimiye. Haleluya! Imana nta wundi yahaye umugambi Wayo w'agakiza. Yari yifitiye ikizere Yo Ubwayo gusa. Imana yambaye umubiri, yatuye muri twe, kandi yaraducunguye kugira ngo tube abayo ubwayo. Twakijije ku bwa: "Amaraso y'Imana." Imana ihoraho yatuye mu mubiri upfa kugira ngo Ikureho icyaha. Yahindutse Umwana w'intama kugira ngo Amene Amaraso Ye kandi ngo Yinjirane ayo maraso mu nyegamo imbere.

Nimufate ibi. Kubera ko ari Amaraso y'Imana, ni amaraso atunganye kandi niba Amaraso atunganye atubatura mu butware, bw'ububata n'ubw'umwanda w'icyaha, icyo gihe ukubohorwa kuba kuzuye kandi ari ukwa burundu kandi kuzuye. Rero, noneho nta gucirwaho iteka kuba kukiraho. "Ni nde uzarega intore z'Imana? Ni Imana izitsindishiriza (ivuga ko turi abakiranutsi)! Ni nde uzabaciraho iteka? Kristo waphiriye..."

Abaroma 8.33-34.

Ngibyo, urupfu Rwe rwaduhaye amaraso. Amaraso yaratubohoye. Ubu nta gucirwaho iteka kukiraho. Ni gute kwabasha kuba kukiraho? Nta mpamvu iriyo yo gucirwaho iteka, kubera ko Amaraso yatubatuye ku cyaha. Turabohotse, ntituriyo urubanza. Ntimukumve abantu, muge mwumva Ijambo. Mwabohowe n'Amaraso.

None, ntimwemere kongera kwibohesha imihango, imyizerere n'amadini. Ntimwemere guhindukira mutega amatwi abahakana imbaraga z'Ijambo, kandi bagahakana ko Yesu akiza, akiza uburwayi, yuzuza Umwuka Wera n'imbaraga. Muri abantu babohowe n'Imana, babohowe n'Amaraso Ye bwite. Niba mwongeye guhambira ukwizera kwanyu ku nyigisho z'abantu n'amadini, ni igihamba nyakuri ko mwatakaje ukwizera Ijambo kwanyu.

## **ABAMI N'ABATAMBYI**

Ibyahishuwe 1:6:

*"Akaduhindura abami n'abatambyi b'Imana ye ari Yo na Se, icyubahiro n'ubutware bibe ibye iteka ryose, Amina!"*

*"Yatugize!"* Yoo! Hariho ukuri kumwe na kumwe dukwiye kwibandaho. Uku nguku ni kumwe. WE! WE YATUGIZE! Agakiza, ni umurimo We. Agakiza kava k'Uwiteka. Byose ku buntu. Yaducunguye afite impamvu. Yaraturonse ku bw'impamvu. Turi abami, abami bo mu buryo bw'Umwuka. Yoo! Tugiye kuzimana na We ku isi igihe azaba yicaye ku ntebe y'Ubwami Ye. Ariko ubu, turi abami mu buryo bw'Umwuka kandi turi ku ngoma mu bwami mu buryo bw'Umwuka. Mu Baroma 5:17 haravuga, hati:

*"Kuko ubwo igicumuro cy'umwe cyateye ko urupfu rwimikwa n'umwe, ni nako abahawe ubantu busesekaye n'impano yo gukiranuka bazarushaho kwimikanwa ubugingo n'umwe ari we Yesu Kristo!"*

No mu Bakolosayi 1:13 haravuga hati:

*"Ni We wadukijije ubutware bw'umwijima, akadukuramo akatujyana mu bwami (kwima ingoma) bw'Umwana We akunda."*

Ubu rwose, twimanye na Kristo, dufite ubutware ku cyaha, isi, umubiri na Satani. Tugenda tuvuga ishimwe Rye n'icyubahiro Ke; turamugaragaza, WE, kuko ari Kristo muri twe, udutera ugushaka n'ugukora nk'uko ubushake Bwe bwiza buri. Ni byo, nta gushidikanya, ubu rwose, twicaye ahantu ho mu Ijuru muri Kristo Yesu.

*"Kandi yatugize abatambyi."* Ni byo, abatambyi be, batamba ishimwe ryo mu buryobw'Umwuka ry'iminwa yejejwe. Dutura ubuzima bwacu nk'igitambo gishimwa ku Bwe. Tumusengera mu Mwuka no mu Kuri. Dusaba kandi twingga. Abatambyi n'abami b'Imana yacu. Ntibitangaje ko isi itadukurura, kandi ko turi abantu bihariye, bafite umwete wo gukora imirimo myiza. Twaremwe muri We bundi bushya kugira ngo tube abana duse na Data.

## **IMANA IJE**

Ibyahishuwe 1:7:

*"Dore arazana n'ibicu kandi amaso yose azamureba, ndetse n'abamucumise na bo bazamureba, kandi amoko yose yo mu isi azamuborogera. Yego. Amina!"*

Araje. Yesu araje. Imana iraje. Umuhanuzi araje. Umutambyi n'Umwami araje. BYOSE muri BYOSE araje. Ni byo, Umwami Yesu, araje bidatinze. Amina.

Araje. Aje mu bicu, ibicu by'ubwiza, nk'igihe bamubonye ku musozi wo guhindurirwaho, kandi imyenda Ye yararabagiranaga mu gihe imbaraga z'Imana zari zimugose. Kandi BURI jisho RYOSE rizamubona. Bisobanura ko atari izamurwa ; ni igihe Azaza gufata umwanya we yagenewe wo gutegeka isi. Ni igihe abamucumitishije amahame yabo n'inyigisho z'amadini zabo bazaboroga, kandi bose bazaborogeshwa n'ubwoba imbere y'Uri Jambo.

Dore ibivugwa n'uguuhishurirwa kwa Zekariya 12 :9-14. Zekariya yahanuye ibi hashize hafi imyaka 2500. Biri hafi yo gusohora. Nimwumve, ati : "Maze uwo munsi nzashaka kurimbura amahanga yose yateye i Yerusalem. Kandi nzasuka ku nzu ya Dawidi no ku baturage b'i Yerusalem umutima w'imbabazi n'uwo kwinginga. Bazitegereza ngewe uwo bacumise..."

Nyamara, ni ryari ubutumwa bwiza buzasubira mu Bayuda ? Ubwo igihe cy'amahanga kizaba kirangiye. Ubutumwa bwiza buri hafi yo gusubira mu Bayuda. Yoo ! Gusa iyaba nashoboraga kubamenyesha ikintu runaka kiri hafi yo gusohora muri iyi minsi turimo. Icyo kintu kiza bihebuje kiri hafi gusora kizatujyana mu Byahishuwe 11 kandi kizatugeza kuri ba bahamya babiri, Mose na Eliya, kugira ngo bagarure Ubutumwa bwiza mu Bayuda. Turabyiteguye. Byose biri mu mwanya wabyo. Nk'uko Abayuda bazanye Ubutumwa mu banyamahanga, ni nako abanyamahanga bazaboneza bakabugarura mu Bayuda nuko Izamurwa rizahera ko ribe.

Nyamara, mwibuke ibyo twasomye mu Byahishuwe no muri Zekariya. Ibyo bintu byombi bizahita bibaho uwo mwanya nyuma y'umubabaro ukomeye. Itorero ry' Abana b'Imfura ntirizanyura mu mubabaro. Tuzi ibyo. Bibiliya irabyigisha.

Bivugwa ko muri icyo gihe, Imana izasuka Umwuka Wayo ku nzu ya Isirayeli. Ni uwo Mwuka umwe wasutswe ku banyamahanga, mu gihe cyabo. "Bazitegereza NGEWE uwo bacumise, bazamuborogera nk'uko umuntu aborogera umwana we w'ikinege, bazamuririra bashavure, nk'uko umuntu agirira umwana we w'imfura ishavu.Uwo munsi i Yerusalem bazaboroga cyane, nk'uko baborogeye i Hadadirimoni mu kibaya k'i Megido.Kandi ighugu kizaboroga, umuryango wose ukwawo, umuryango w'inzu ya Dawidi ukwawo n'abagore babo ukwabo, umuryango w'inzu ya Natani ukwawo n'abagore babo ukwabo..."

Kandi buri nzu ukwayo, igihe Azaza mu bicu by'ubwiza ku Kuza Kwe kwa Kabiri. Abo Bayuda bamucumise bazamubona, nk'uko bivugwa mu wundi murongo w'Ibyanditswe, ati:

*"Izo nguma za We zavuye he?" Kandi Azasubiza, ati: "Mu nzu y'inshuti Zange."*

Gusa ntibizaba ari igihe cy'agahinda n'umubabaro ku Bayahudi bamwanze nka Mesiya, ahubwo kizaba ari igihe cy'agahinda n'umubabaro ku banyamahanga bazasigara, bazaba baramwanze nk'Umukiza w'igihe cyacu.

Hazaba amarira n'imiborogo. Abari basinziriye bazaboroga. Bagaragaza itorero ryanze kwakira amavuta (ikimenyetso cy'Umwuka Wera) mu itabaza ryaryo (igisobanuro cy'umubiri, cy'urwabya rw'amavuta) kugeza aho igihe gishiriye. Ibyo ntibishaka kuvuga ko batari abantu beza. Bari abari, bisobanura ko bari bafite ubunyangamugayo buhanitse. Arik Kubera ko batari bafite amavuta mu itabaza ryabo, bajugunwe hanze ahari amarira no guhekenya amenyo.

Turebe uburyo ibi byose bifite igishushanyo mu Itangiriro, igice cya 45, aho Yozefu ahura na bene se muri Egiputa maze akabibwira. Itangiriro 45.1-7:

*"Yozefu ananirwa kwiyumanganya imbere y'abo bahagararanye bose, ahubwo avuga cyane ati: "Nimusohore abantu bose bambise." Ntihagira umuntu uhagararana na Yozefu, yirondorera bene se. Atera hejuru ararira, Abanyegiputa barabyumva, abo mu nzu ya Farawo barabyumva.Yozefu abwira bene se, ati: "Ndi Yozefu. Data aracyariho?" Bene se bashaka icyo bamusubiza kirabura, kuko bahagaritswe imitima no kuba imbere ye. Yozefu abwira bene se, ati: "Ndabinginze nimunyegere." Baramwegera aravuga, ati: "Ndi Yozefu mwene so, mwaguze ngo njyanwe muri Egiputa. None ntumubabare, ntumwirakire yuko mwanguze ngo nzanwe ino, kuko Imana ari Yo yatumye mbabanziriza ngo nkize ubugingo bw'abantu. Inzara imaze imyaka ibiri mu gihugu, hasigaye indi myaka itanu, batazahingiramo ntibanasaruriremo. Kandi Imana yatumye mbabanziriza ngo ibabesheho mugire icyo musiga mu isi, ibarokoze gukiza gukomeye."*

Iki gice nticyagereranywa neza neza ku buryo butangaje na Zekariya12? Tubihurije hamwe, nta kabuza tugiye kubibona neza neza nk'uko biri.

Akiri muto cyane, Yozefu yari yanzwe cyane na bene se. Kubera iki yari yanzwe na bene se? Kubera ko yari umunyamwuka. Ntiyashoboraga kwibuba kugira ayo mayerekwa, nk'uko atashoboraga kwibuba kugira inzozi no kuzisobanura. Byari biri muri we. Nta kindi yabashaga kugaragaza usibye ibyari biri muri

we. Ni yo mpamvu urwango bene se bari bamufitiye rutari rufite impamvu. Ariko yari umutoni wa se. Ise, wari umuhanuzi, yari abisobanukiwe. Ibi biduha ishusho itunganye ya Kristo. Imana Data yakundaga umwana, ariko bene se (abanditsi n'abafarisayo) baramwangaga, kuko yashoboraga gukiza abarwayi, agakora ibitangaza kandi akavuga ibizabaho, akagira amayerekwa kandi akayasobanura. Aho, nta mpamvu n'imwe yari ihari yo kumwanga, ariko baramwanze, kandi, nk'uko abavandimwe ba Yozefu, bamwanze ari nta cyo bamuhora.

Noneho, mwibuke uburyo abo bahungu ba Yakobo bagize Yozefu. Bamutaye mu rwobo. Bafashe ikanzu ye y'amabara menshi ise yari yaramuhaye, maze bayigaragura mu maraso kugira ngo bumvishe se ko uwo muhungu yari yishwe n'inyamaswa. Bamugurishije abacuruzi b'abacakara ari bo bamujyanye muri Egiputa, aho yaguzwe n'umukuru w'ingabo, umugore w'uwo mukuru w'ingabo yaramufungishije amurenganya, ariko nyuma y'igihe runaka, ubushobozi bwe nk'umuhanuzi bwatumye Farawo amwitaho, kandi yarazamuwe ashirwa iburyo bwa Farawo, yari afite ubutware ku buryo ari nta muntu n'umwe wabashaga kugera kuri Farawo atabanje kunyura kuri Yozefu.

Dusuzume noneho ubuzima bwa Yozefu ubwo yari muri Egiputa, kuko aho ari ho tubona muri we ishusho itunganye ya Kristo. Mu gihe yari ari mu rugo rw'Umukuru w'ingabo, yarezwe ibinyoma, arahanwa kandi ashirwa mu nzu y'imbohe nta mpamvu, nk'uko byabaye kuri Yesu neza neza. Igihe ari mu nzu y'imbohe, asobanura inzozi z'umuhereza wa vino n'iz'umuvazi w'imitsima bafunganywe. Umuhereza wa vino arakira, ariko undi yakatiwe urwo gupfa. Kristo yabohewe ku musaraba, atereranwa n'Imana n'abantu. Kuri buri ruhande Rue hari hari igisambo - kimwe cyarapfuye, mu buryo bw'Umwuka, ariko ikindi cyabonye ubugingo. Kandi murabona ko igihe Amanuwe ku musaraba Yesu, yazamuwe mu Ijuru, ku buryo ubu yicaye iburyo bw'Umwuka w'ikuzo wa Yehova, akaba ari nta muntu n'umwe ubasha kugera ku Mana atanyuze kuri We. Hari umuhuza UMWE RUKUMBI Uri hagati y'Imana n'abantu, kandi ni We byose mukeneye. Nta Mariya uhari cyangwa abatagatifu, ahubwo ni Yesu wenylene.

Dukomeza gufata urugero rw'iyi shusho dusanga muri Yozefu, murebe uburyo icyo yakoraga cyose muri Egiputa cyabaga gifite ihirwe. Umurimo we wa mbere ku mukuru w'ingabo wagize ihirwe. Ndetse na gereza ubwayo yagize ihirwe. Igihe Yesu azagaruka, ubutayu buzarabya nk'ururabyo rwa roza. Ni : "Umwana w'Uburumbuke". Nk'uko ari nta gihe na kimwe kigeze kurumbuka nk'icyo Yozefu yategekagamo, ni cyo kimwe n'igihe k'imigisha isi itigeze kugira kizabaho kuri iyi si. Buri wese muri twe azabasha kwicara munsi y'igitu cy'umutini ke bwite, kandi aseke, yishimye kandi abeho iteka ryose ari imbere Ye. Imbere yawe ni ho hari ibyishimo byuzuye. Mu kuboko kwave kw'iburyo hari ibinezeza iteka ryose. Icyubahiro kibe ik'Imana !

Kandi murabona ko, aho Yozefu yajyaga hose, bavuzaga impanda bamenyesha ukuba kwe. Abantu bateraga hejuru, bat : "Mupfukamire Yozefu !" Nta kwita ku cyo umuntu yabaga arimo gukora, igihe impanda yavugaga, yarapfukamaga. Yashoboraga kuba arimo kugurisha ikintu runaka mu muhanda, arambuye ikiganza kugira ngo yakire amafaranga ye, ariko yagombaga kubireka kugira ngo apfukame, igihe babaga bavugije impanda. Nubwo yabaga ari umunyabugen cyangwa umukinnyi w'ikinamico, yagombaga guhagarika ibyo yabaga yerekana kandi agapfukama imbere ya Yozefu, igihe babaga bamenyesha ukuhaba kwe bakoresheje ijwi ry'impanda. Kandi, umwe muri iyi minsi igihe byose bizahagarara igihe impanda y'Imana izavuga, igihe abapfiriye muri Kristo bazazuka, kandi igihe igitondo gihoraho kizatangaza, kirabagirana ubwiza. Icyo gihe, buri kintu kizapfukama, kuko handitswe ngo :

*"Ni cyo cyatumye Imana imushyira hejuru cyane Ikamuha izina risumba ayandi mazina yose, kugira ngo amavi yose apfukame mu Izina rya Yesu, ari ay'ibyo mu Ijuru, cyangwa ay'ibyo mu isi, cyangwa ay'ibyo munsi y'isi, kandi indimi zose zihamye ko Yesu Kristo ari Uwiteka, ngo Imana Data wa twese ihmbazwe."*

Abafilipi 2 :9-11

Ariko nimurebe ukundi guhishurira guhebuje muri urwo rugero rw'ishusho kuri Yozefu. Igihe yari ari muri Egiputa, Yozefu yahawe umugen w'umunyamahangakazi, wamubyariye abahungu babiri, Efurayimu na Manase. Yozefu yasabye se ngo asabire umugisha abo bahungu babiri, yabashyize imbere ya Yakobo, Manase, imfura, iburyo bwa Yakobo, kandi Efurayimu amushyira ibumoso bwe. Kubera ko Yakobo yari agiye kubasabira umugisha, yanyuranje ibiganza, nuko ikiganza ke k'iburyo yagishyize ku muhererezi. Yozefu yateye hejuru agira, ati :

*"Ntabwo ari uko, data, uyu nguyu ni we mfura uri iburyo bwawe." Ariko Yakobo yaravuze, ati : "Imana yanyuranje ibiganza byange."*

Aha, turabona mu ishusho umugisha wari wagonewe imfura (Abayuda) uhabwa umuhererezi (Abanyamahanga) ku bw'umusaraba (ibiganza binyuranje) w'Umwami Yesu Kristo. Umugisha uboneka ku bw'umusaraba.

Abagaratiya 3 :13-14 :

*Kristo yaducunguriye kugira ngo dukizwe umuvumo w'amategeko, ahindutse ikivume ku bwacu - (kuko byanditswe ngo : "Havumwe umuntu wese umanitswe ku git"), kugira ngo umugisha wa Aburahamu ugere no ku banyamahanga bawuheshejwe na Yesu Kristo, kwizerwa kubone uko kuduhesha wa Mwuka twasezeranjwe.*

Ku bw'umusaraba, umugisha wa Aburahamu wageze ku banyamahanga. Abayuda banze umusaraba ; ku bw'ibyo, Yesu yifatiye umugenit uturutse mu banyamahanga.

Tugaruke ku mateka ya Yozefu ahuye na bene se. Muribuka ko bene se batari baje bose. Yozefu yari abizi, yakomeje gusaba ko bene se baza imbere ye bose, bitabaye ibyo ntiyajyaga kubasha kubibwira. Bashoje bahamagaje uwaburaga, umuhererezi Benyamini. Ni umuhererezi Benyamini, mwene se wa Yozefu nyakuri, watumye ubugingo bwe bugurumana. Kandi igithe Yozefu wacu, Yesu, azaza kureba abitondeye amategeko y'Imana kandi basubiye muri Palestina, umutima We uzagurumana. Umuhererezi Benyamini ni igishushanyo k'ibihumbi 144000 by'Abisirayeli baturutse mu isi yose bagasubira muri Palestina kugira ngo bacungurwe. Aho ni ho bazaba bari, biteguye kumwakira ; no kumumenya by'ukuri, We, ni Ubugingo buhoraho. Bazavuga, bati : "Dore Imana yacu twari dutegeree." Icyo gihe, bazabona uwo bacumise. Kandi, mu kwihebeshwa n'agahinda kwabo, bazatera hejuru, bati : "Izo nkova Zawe wazikuye he ? Mbese byagenze bite ? Bazarira kandi baboroge, buri muryango ukwawo, buri umwe ukwawo, bishwe n'agahinda.

Ariko Itorero ry'abanyamahanga rizaba riri he, mu gihe Yesu azaba yibwira bene se ? Mwibuke ko umugore wa Yozefu n'abana bombi bari bari mu ngoro, kuko Yozefu yari yategetse, ati :

*"Mwese mumbise ; mubasohore bose bamve imbere."*

Rero, umugenit w'amahanga yari ahishwe mu ngoro ya Yozefu. Ni hehe itorero ry'abanyamahanga rizajya mu izamurwa ? Mu Ngoro. Umugenit azazamurwa akuwe mu isi. Mbere y'umubabaro ukomeye, azazamurwa ku bwo gusanganira Umwami mu kirere. Mu gihe k'imyaka itatu n'igice, igithe uburakari bw'uguhora kw'Imana buzasandara ku isi, Itorero rizaba ryibereye ku ifunguro ry'ikuzo ry'ubukwe bw'Umwana w'intama. Hanyuma, azagaruka kwiyereka bene se, asize umugenit We.

Muri ako kanya, isezerano ry'antikristo Abayuda bazaba baragiranye na Roma rizaseswa. Roma n'abishyize hamwe na yo icyo gihe bazohereza ingabo zabo kurimbura Abayuda batinya Imana kandi bakitonderra Ijambo. Ariko, kubera ko bazigabiza umurwa kugira ngo bawurimbure, ikimenyetso kizagaragara mu Ijuru, cyo kuza k'Umwana w'umuntu n'ingabo ze zikomeye kugira ngo barimbure abarimbure isi. Umwanzi amaze gusubizwa inyuma, Yesu azaza icyo gihe kwiyereka abo ibihumbi 144 000. Nibamara kubona umurimo We ukomeye w'agakiza, bazaba bamenye imbaraga Ze. Ariko nibabona ibikomere Bye, bazi ko bari baramwanze kugeza icyo gihe, bazatera hejuru, bishwe no guhinda umushyitsi n'ubwoba, nk'uko kera bene se wa Yozefu babigenje imbere ye, buzuye ubwoba bw'uko bakwicwa. Ariko, nk'uko Yozefu yavugaga, ati: "Ntimwirakarire. Byose ni byiza ni amahoro. Imana yari ibirimo. Yabikoze kugira ngo ikize ubugingo." Ni na ko, Yesu azabagaragariza amahoro n'urukundo.

Kubera iki Abayuda banze Yesu? Imana yari ibirimo. Bwari bwo buryo bumwe rukumbi bwo gukura umugenit mu mahanga. Yapfiriye ku musaraba kugira ngo akize ubugingo bw'itorero ry'abanyamahanga.

Nyamara, ibyo bihumbi 144000 ntibibarirwa mu mugeni. Mu Byahishuwe 14:4, bitwa abari, kandi bakurikira Umwana w'intama aho ajya hose. Kuba batariyandurishije abagore byerekana ko ari inkone (Matayo 19:12). Inkone bari abarinzi b'ibyumba by'abageni. Bari abagaragu. Murabona ko batari bicaye ku Ntebe y'Ubwami, ahubwo bari imbere y'intebe y'Ubwami. Oya, ntibibarirwa mu Mugeni, ahubwo bazaba bari mu Bwami bw'ikuzo bw'emyaka igihumbi.

Turabona ko igithe abo basigaye ba nyuma ba Isirayeli bazaba bamaze kwihuza n'Umwami mu rukundo, kandi ko umwanzi azaba yarimbuwe, Imana Izategura umusozi Wayo wera, ingobyi Yayo Nshya ya Edeni ku bw'umugenit no ku bw'abakorera Umukwe n'Umugenit, ku bw'ukwezi kwa buki kw'emyaka igihumbi ku isi. Nk'uko Adamu na Eva bari bameze mu ngobyi, kandi bakaba batarabashije kumara myaka igihumbi, noneho, Yesu, Adamu wacu wa nyuma, na Eva We (Itorero Nyakuri) bazasohoza umugambi w'Imana wose.

Yoo! Mbega uko Bibiliya yisubiramo! Ibyabaye kuri Yozefu na bene se biri hafi kongera kwisubiramo, kuko Yesu agarutse bidatinze.

Mbere yuko tuva ku ishusho y'urugero rwa Yozefu, nifuzaga na none ko murebana ubwitonzi ikintu kimwe, kerekeye iki gihe k'imperuka. Muribuka ko igithe Yozefu yari ari imbere ya bene se, mbere yuko Benyamini aba ari hamwe na bo, yabavugishaga yifashishije umusemuzi, nubwo yari azi Igiheburayo neza. Yavugishaga bene se mu rundi rurimi. Mwari muzi ko igithe cy'abanyamahanga cya mbere (umutwe wa zahabu, igithe cya Babuloni) cyashoje gihawe ubutumwa mu ndimi zitazwi bwanditswe ku rusika? Iki gihe na cyo ni ko kizarangira. Ubwinski bw'indimi mu gihe cyacu buracyari igihamya cy'uko Igihe cy'abanyamahanga kirangiye kandi ko Imana yongeye guhindukirira Isirayeli.

Araje bidatinze. Alufa na Omega, Umuhanuzi, Umutambyi n'Umwami, Byose muri byose, Umwami Imana nyiri Ingabo Aragarutse bidatinze. Ni byo, Umwami Yesu, Imana y'Ukuri Imwe kandi Imwe Rukumbi, Araje bidatinze!



[www.messagehub.info](http://www.messagehub.info)

Ibibwiriza bya

**William Marrion Branham**

"...mu minsi y'ijwi ..." Ibyah. 10:7